

四庫全書

史部

欽定四庫全書

史部

至大金陵新志卷十二下

詳校官編修_臣曹振鏞

檢討_臣德生覆勘

總校官檢討_臣何思鈞

校對官助教_臣陳木

謄錄監生_臣羅俊

欽定四庫全書

至大金陵新志卷十二上

元 張鉉 撰

古蹟志

自古國家有所興造曷嘗不覽前代之制而為之損益
凡人之衣服飲食居處文為其始曷嘗不因踵前人之
遺緒而稍加異乎昔黃帝鑄鼎荆山接萬靈明廷其崩
也羣臣羣衣冠橋山禹鑿龍門伊闕疏九河會諸侯朝

羣臣於茅山會稽其崩也塋會稽漢時泰山有古明堂遺趾而封泰山禪梁父者七十餘君此非載之史冊誦於學士大夫則其盛節遺風泯焉不傳豈不惜哉金陵雲陽之墟有古帝王遺跡書缺漫不可詳繇秦漢以來為都者八為藩鎮治所無慮數十賢人君子相與憂勞治其繭絲保障歌哭於斯者多矣其典章制度與時因革者既列前八志復紀識其城闕官署第宅陵墓碑碣著其時制在所俾觀於古者有考焉傳言墟墓之間未

施哀於民而民哀宗廟之間未施敬於民而民敬此言人之善心油然而感於所見矧其善惡成敗之蹟足為勸

戒者乎述舊章覽遺事作古蹟志

金陵歷三吳二宗總名古蹟年月詳見事

下各仍舊稱不復識別景定志有考證今引之

城闕官署

歷代城闕官署參錯須互考得其彷彿故以類附見

古固城春秋時吳所築也在溧水州界

乾道志在縣西南九十里高丈

五尺羅城周七里二百三十步子城一里九十步按勝公

廟記固城吳時瀨渚縣也楚靈王與吳戰吳軍不利遂陷

此城吳乃移瀨渚於歷陽南十里改為陵平縣平王立使蘇乃為將戰敗吳軍以吳陵平縣改平陵縣王聽費無極佞

言伍員奔吳閭閻用為將舉軍破楚固城宮殿適月烟焰不滅其城遂廢又按益澤叢書溧陽昔為平陵縣縣南十餘里有故平陵城而圖經乃載平陵於溧陽載固城於溧水蓋未詳也臧氏云以地考之平陵有二其一晉平陵即永世城其一則在唐溧陽南十里吳所置也與固城東西相去已遠圖經之訛為是故嘉定溧陽志歷載永世唐縣平陵三城而景定郡志咸淳溧水志猶言固城亦名平陵則失於不考嘉定志耳但勝公廟記嘉定志以為未見全文今亦不知何時何文以蔣日用城隍之記言之唐立溧陽至開元近百餘歲記若指此為溧陽則唐人文也宋紹興中溧水尉喻居中於固城湖得東漢溧陽長湑乾校官碑蓋其地乃漢之溧陽也周益公南歸錄乾道壬辰自鄱步東瀾溧水登陸行十五里至銀獅有一二百家若水泛則自此便道舟又六七里至雙港口復登舟約十餘里至固城湖日猶未晡蓋數百家之聚登妙智庵觀范同參政父墳晚步固城上父老謂之楚王城其周數里但存城基庵中石龜碑趺乃去歲掘城得之云天寶

彌勒寺碑也次日肩輿五六里至禪林山慈照院啓天
中節寺僧云相去二十里有遊子山儒童院蓋夫子遊
歷之地不記圖志所載云何歸舟解纜渡湖水才數尺
然亦彌漫其中多菱葑凡三十里至石橋地約五十里
至太平州河口兩岸多民居烟樹如畫稍前即
永豐圩夜泊黃池鎮距固城湖已百一十里云

古越城一名范蠡城案宮苑記周元王四年越相范蠡
所築在今瓦棺寺東南望閶門橋西北圖經云城周廻

二里八十步在秣陵縣長干里今江寧縣廨後遺址猶

存俗呼為越臺

金陵故事云周元王四年范蠡佐越滅
吳欲圖伯中國立城於金陵以強威勢

郡國志云在縣南六里東甌越王所立吳王濞敗保此
城後走丹徒晉王含以水陸五萬逼淮溫嶠燒朱雀航

以挫其鋒遂潛師渡水大破舍軍於越城南盧循犯建康劉裕恐其侵軼用虞丘進計伐木柵石頭城修治越城齊崔慧景反蕭懿入援自米石濟岸頓越城梁武義師次新林遣王茂勰越城實錄注云越王築城江上鎮今淮水南一里半廢越城是也案越絕書其城越范蠡所築城東南角近故城望園門橋西北即吳牙門將軍陸機宅故機入晉作懷舊賦望東城之紆餘即此城在三井岡東南一里而无棺寺閣在岡東偏也今南門外江寧縣解後有越臺與天禧寺相對近時詩人指越臺為越女取越土築臺者非也

楚金陵邑城威王滅越私吳越之富擅江海之利置金

陵邑於石頭及負芻為秦所滅至漢高帝時封韓信於

楚鄣郡屬焉六年廢

周顯王三十六年楚滅越乃因山立號置金陵邑今石頭城是也楚

威王後一百一十餘年當秦始皇二十四年秦滅楚兼諸侯分天下作三十六郡以金陵為鄣郡楚亡後一十三年當始皇三十七年乃改金陵邑為秣陵縣乾道志金陵邑城在清涼寺西去臺城九里南開二門東一門又見山

川志

古潁國城在今漂水州界

顯上表迎尾歸望潁鄉春秋傳昭公四年楚伐吳秋七月圍朱方八月遂滅潁楚子欲遷許於潁使閻牟龜與

公子棄疾城之而還冬東國水不可以城彭生罷潁之朱方即今鎮江也陳國苦縣有潁鄉與朱方相去甚遠亦非東國有水之地其潁城豈非即晉時潁鄉今之漂水乎故勝公廟記謂楚靈王與吳戰吳軍不利遂陷潁渚伍子胥敗金處正名潁水戰國策范環對楚懷王亦言楚乘起亂南秦潁湖而野江東合前後觀之潁之

為漂水甚明吳音訛潁為漂自漢以來遂名漂水而古蹟間有存者其苦縣潁鄉或楚滅潁之後徙其人於彼未可知耳景定以前圖經失不詳考臧氏志始畧言之今存此城以俟博古者稽焉

吳石頭城

見山川志

丹楊郡城案宮苑記在長樂橋東一里南臨大路城周

一項開東南北門漢元封二年置丹楊郡至晉太康中

始築城宋齊梁陳因之不改

漢志丹楊郡先治宛陵建安十三年孫權分為新都

郡二十六年權始置丹楊郡自宛陵治建業永安中分置故鄣郡丹楊所領惟漂陽以北六縣晉太康元年改建業復為秣陵置江寧郡唐初廢為州天寶元年復置至德二載析置江寧郡元和郡國志丹楊郡故城在今

江寧縣東南蔡宗旦金陵賦注云右
圖長樂橋東一里今桐林灣軍寨處

古都城案宮苑記吳大帝所築周廻二十里一十九步
在淮水北五里黃龍元年自武昌徙此晉元帝初過江
不改其舊宋齊梁陳皆都焉宋世宮門外六門城設竹
籬至齊高帝建元元年有發白虎樽言白門三重門竹
籬穿不全上因其言改立都牆本紀建元二年立六門

都牆是也其後增立為十二門云

考證宋宮室記吳大帝遷都建邺有曰太

初宮者即長沙王政府徙武昌宮室材瓦所成也有曰
臺城蓋宮省之所寓也有曰東府蓋宰相之所居也有

曰西州蓋諸王之所宅也有曰倉城蓋儲蓄之所在也皆不出郡城之內輿地志曰晉琅邪王渡江鎮建鄴因吳舊都修而築之宋齊而下宮室有因有革而都城不改東南利便書曰孫權雖居石頭以扼江險然其都城則在建鄴歷代所謂都城也東晉及齊梁之代雖時有改築而其經畫皆吳之舊隋既平陳此城皆毀今之都舊也

臺城一曰苑城

詳見前圖考

東府城晉安帝義熙十年冬城東府在青溪橋東南臨淮水周三里九十步去臺四里簡文封王時舊第後為會稽王道子宅道子錄尚書事以為治所時人呼為東

府其子元顯亦錄尚書事時謂道子為東錄元顯為西錄西府車騎填湊東第門下可設雀羅東第即後東府

城也

會稽王傳嬖人趙牙為道子開東第築山穿池列樹竹木工用鉅萬帝嘗幸其宅謂道子曰府內有

山因得游矚甚善然修飾太過非示天下以儉道子謂牙曰上若知山是版築所作爾死矣牙曰公在牙何敢

死其城東北角有土山曰闕即牙所築也宋武帝領揚州日築東府城以封彭城王義康文帝元嘉中義康

更開拓地址為西塹自後常為宰相府第景和中嘗改為闕宮明帝時始安王休仁鎮東府訖言東城出天

子帝懼殺休仁而常閉東府不居桂陽王休範反車騎與籤茅怙開東府納賊齊高帝封齊王以東府為齊宮

梁太清三年侯景舉兵毀板築墻以輒覽為之紹泰末盡罹焚毀陳天嘉中始徙治府城東三里齊安寺西臨

淮水陳
亡廢

西州城即古揚州城漢揚州治曲阿晉永嘉中遷于建康王敦始為建康勅立州城即此城也案建康實錄城所置西則冶城東則運瀆闕觀之東西州橋是一說

石冰之亂焚燒府舍陳敏營孫氏故宫居之元帝初渡

江即敏府創新城

考證晉孝武太元末會稽王道子領揚州居東府故號此城為西州大明

中以東府為闕王邸西州為丹楊尹治所謝安為時人所推服及鎮新城畫室而行造汎海之裝欲須經畧粗定自江道還東雅志未就遂遇疾薦上疏請旋旆詔遣還都聞當入西州門自以本志不遂深自慨失及薨後

安所知羊曇者輟樂彌年行不由西州路嘗因石頭大
醉扶路唱樂不覺至州門左右曰此西州門曇悲感不
已因慟哭而去宋時徐羨之住西州高祖嘗思之即步
出西掖門往見焉寰宇記云西州學者多未曉江寧府
有東府城城中有揚州廨而揚州在府西故時人號為
東府西州東府城之西門謂之西州門世說王丞相治
揚州廨按行而言曰我為何次道治此爾何少為王公
所知是以發此歎今西州也丹陽記曰揚州廨王氏所
居諸葛恪則治建業晉自周浚至王仍吳舊王復領州
牧及桓溫玄悲治王府王茂洪以及玄謙則在建康永
嘉七年顧榮誅陳敏揚州刺史劉攽治建康王氏代機
元帝渡江居城府王便立州廨於此宋殷景仁既拜揚
州羸疾遂篤上勅西州道上不得有車聲孝武時薨感
守南斗上乃廢西州舊館使西陽王子尚移居東府城
以厭之揚州別駕沈懷明曰天道示變宜應之
以德今雖廢西州恐無補也上不復西州竟廢

冶城

詳見前圖考

琅邪城在江乘縣界晉元帝以琅邪王過江國人隨而居之因城焉在縣東北六十三里今句容縣琅邪鄉即

其地也

考證齊武帝永明元年移琅邪於白下置大起樓觀講武於此南徐州記江乘南岸蒲洲津有

琅邪城則琅邪城與白下相通今句容縣有琅邪鄉蓋與江乘縣界相接是蒲洲津與白下皆有琅邪城也一在上元縣金陵鄉西北去縣十四里乃白下之城或者直以蒲洲津城為白下非也王隱晉書江乘南岸有琅邪城立琅邪內史以治之齊永明六年於琅邪城講武習水步觀者領都王融從武帝琅邪城講武應詔詩云白日映丹羽頽霞文翠旂凌山炫組甲帶水被戈船謝朓有江孝嗣戍琅邪城詩南史齊王融傳云世祖欲北

伐使毛惠秀畫漢武圖置琅邪
城射堂上每游幸必觀視焉

金城在城東二十五里吳蔡令上元縣金陵鄉地名金

城戍即其地

考證吳後主寶鼎二年以靈輿法駕迎神於明陵使丞相陸凱奉三牲祭於近郊後

主於城門外露宿明陵乃後主父故太子和陵也蔡宗旦金陵賦云遊金陵以愴然問種抑之何在笑吳主之信巫乃露宿於門外晉大興中王氏舉兵反將軍劉隗軍于金城初中宗於金城置琅邪郡咸康中桓溫為琅邪內史出鎮金城後溫北伐經金城見為琅邪時所種柳皆十圍因嘆曰木猶如此人何以堪因攀枝執條注然流涕楊脩金城詩亦引此為據前志謂上元縣金陵鄉地名金城戍即其地戚氏辨以為金城即前句容之琅邪城

侯考

秣陵城在宮城南八里一百步小長干巷內梁宋北齊
皆於秣陵故城跨淮立橋柵當是其地隋併入江寧

建鄴城晉太康三年分秣陵淮水北為建鄴舊城在吳

冶城東

詳見前
疆域志

蔣州城隋平陳於石城置蔣州輔公祐據江東用為揚
州唐趙王孝恭平公祐又於其城置揚州大都督後徙
揚州於廣陵此城遂廢

五城有二其一在府城東南二十五里東晉時所築其

一在石頭城唐德宗時所築

考證晉王含錢鳳戰敗乃率餘黨自柵塘西置五城

造營唐景雲中縣令陸彥恭於城側造橋渡淮水今五城渡是唐德宗狩梁州韓滉觀寨江東西乃築石頭五

城自京口至土山修塢壁起建業抵京峴樓雉相望詳見石頭山下

檀城本謝玄之別墅太傅謝安與玄奕碁所勝者至守

屬檀道濟故名檀城

圖經云在今縣東八里按建康實錄在墅城東八里非去縣八里也

地圖謂之城子墅今清風鄉有城子枯在黃城橋之西即其地去府城四十里

白下城輿地志云本江乘之白石壘齊武帝以其地帶

江負山移琅邪居之唐武德元年罷金陵縣築城於此

因其舊名曰白下貞觀七年復舊治此地遂廢

地理志

云武德三年更江寧曰歸化八年更歸化曰金陵九年更金陵曰白下隸潤州貞觀九年復更白下曰江寧前說興廢本末與此不同宜以唐史為正又按南史齊武帝欲修白下城難於動役劉係宗啓謫役在東者上從之後武帝講武白下履行其城曰係宗為國家得此一城圖經云在城西北十八里今靖安鎮北有白下城故基父老傳云即此地屬金陵鄉去府城十八里

開化城在溧水州南九十里環地三里六十步高五尺

有廟未詳

寰宇記云開化城在固城東即溧水舊地也

東宮城案宮苑記宋元嘉十五年修永安宮為東宮城

四周土牆塹兩重在臺城東門外南東西開三門

金陵府城案宮苑記隋大業六年置玄風觀南園是

按唐

李孝恭再破巨賊欲以威重夸遠俗築第石頭城陳廬徽自衛此又唐府城也

臨沂懷德同夏諸城並見廢縣

湖熟城湖熟古縣名漢屬丹陽郡宋元嘉中徙越城流人於此城元和郡縣志云在舊江寧縣東南七十里今在上元縣丹陽鄉去縣五十里淮水北古城猶在詳見廢縣

白馬城在江寧縣北三十里吳時烽火之所

考證金陵
故事云吳

時沿江烽火臺二所在石頭
左一在白馬城今不詳其所

竹里城在句容縣北六十里東陽鎮東二十五里

考證
齊永

元二年崔慧景叛向建康遣驍騎將軍張佛護直
閭將軍徐元稱等六將攬竹里為數城以拒之

竹城在溧水州東南七十里環二里高五尺有廟未詳

周美成詩竹城何檀櫟層翠分雉堞王
封盡四塹同有歲寒節似以有竹名也

杜城在溧水州南一十二里環四百餘步隋大業末杜

伏威屯軍於此

舊有廟
及戰場

皇姥城在溧水州南一百一十里大山南高五尺有廟

未詳

城周五里七步子城周一里一百一十四步上闊五尺下八尺

溧陽舊縣城在縣西北四十五里地名舊縣村

咸氏云城已毀

唯巡檢寨後小坡上有城隍廟前有唐開元十七年碑
國子進士蔣日用文云縣宅茲土近百餘載蓋自唐初
武德三年置縣及是踰百年唐末天復三年移治今縣
後三年唐亡則此城為溧陽治與唐終始首尾幾三百
年也今有古平陵城在此城南十餘里若據勝公廟記
謂移瀨渚於溧陽南十里改為平陵疑此縣即吳溧陽
乾道志云疑此即瀨陽縣然廟記所謂溧陽似
指唐溧陽以曉人未可據以為吳有此縣也

平陵城

乾道溧陽志在縣西北三十五里周二里高一丈四門壕闊六七尺居民今五六家勝公廟記

見前固城下縣志史記伍子胥橐載而出昭關夜行晝
伏至於陵水膝行蒲伏稽首肉袒鼓腹吹篳乞食於吳
市戰國策亦述此事陵水二字作菱夫然則潁清陵平
平陵陵水菱夫皆指此地陵水菱夫傳誤耳陸龜蒙荳
澤叢書李賀記為兇時在潁陽聞白頭書佐言孟東野
貞元中為潁陽尉潁陽昔為平陵縣縣南五里有投金
潁潁南八里有故平陵城周十餘步基北才高三四尺
而草木甚盛率多大櫟叢篠蒙翳如塢如洞其地窪下
積水沮洳深處可活魚鼈幽邃可喜東
野得之忘歸采此城南五里有平陵山

永世城

在潁陽南十五里周三百步遺址高一二尺漢
元封中置永平縣尋廢吳分潁陽復置其後改

曰永安晉武帝太康元年更名永世屬丹楊郡元帝又
分永世為平陵皆屬義興郡宋元嘉九年省永世入潁
陽今俗稱故縣內有唐隆寺舊基鄉民猶能
言古桎犴之所晉伏滔陸曄皆嘗除永世令

趙城在漂陽州東五里周二百步

有廟

梁城在漂陽州西五十里周二百步

有廟

黨城在漂陽州東十五里周一百五十步

有廟

漂水古城

舊志在縣西南一里不載所始疑若類國城之類古蹟之湮廢者多矣

新亭壘宋孝武入討元凶柳元景至新亭依山築壘東

西據險察賊衰竭乃開壘鼓譟以奔之賊衆大潰亭今

在城西南十二里壘不存

考證元徽二年桂陽王休範舉兵潯陽蕭道成頓兵新亭

以當其鋒築新亭城壘未畢賊前軍已至道成登西垣使陳顯達等與賊水戰大破之江淹有新亭壘詩

侯景故壘今桐樹灣處即古大航城在其南

梁紹泰元年北齊

兵至建康陳霸先問計於韋載載曰齊人若分兵援三吳之路畧地東境則大事去矣今可於淮南因侯景故壘築城以通轉輸乃遣載於大航築侯景故壘使杜稜守之

賀若弼壘在上元縣北二十里

隋平陳賀若弼過江於蔣山龍尾築壘

韓擒虎壘在上元縣西四里今在石頭城西

元和郡國志隋平陳

樹碑其文薛道衡之詞武德七年趙郡王孝恭平輔公祏紀功與此碑相對本李伯藥之詞

仁威壘在句容縣

案尚史周弘讓梁承聖初為國子祭酒一年為仁威將軍城句容以居命

曰仁威壘又故丞相傳達奚將軍屯兵于此或云桑甲因名甲城邑舊有祠在武烈廟側土人感夢移甲城東

南廟之簷楹鳥雀不棲窗按達
奚元魏族此必隋世仕丹楊者

藥園壘晉義熙中盧循反劉裕築此壘以拒之在北郊
之西宋元嘉二十一年七月甘露降樂遊苑輿地志上
元縣東北八里晉時為藥園盧循反築藥園壘即此處
也

建康府城

見前
圖考

古都城門

見前
圖考

古建康宮門

見前
圖考

古朱雀門

宮苑記吳故都名大航門南臨淮水北直宣陽門去壘城可七里又按地圖云宣陽門六

里名為御道夾開御溝植柳南關出國門去園門五里晉成帝咸康二年更作朱雀門對朱雀浮航南渡淮

水宋大明五年立馳道自閭闔門至朱雀門六年又新作大航門孝武太元三年又起朱雀門重樓皆繡栢藻井門開三道上重曰朱雀觀觀下門上有兩銅雀懸楣上刻木為龍虎對立左右宋大明五年改為右臯門梁大同二年復改朱雀門以金陵圖考之當在今鎮淮橋北左南廂

古東宮門

梁宮苑記南面正中曰承華門直南出路東有太傅府次東左詹事府又次東左率府路

西有少傅府次西右詹事府又次西右率府東面正中曰安陽門西對溫德門西面正中曰則天門西直對臺城東華門東率更寺西家令寺次西太僕寺更西有典客省

古籬門

案宮苑記舊京邑南北兩岸籬門五十六所蓋京邑之郊門也江左初立並用籬為之故曰籬

門又云東籬門本名聲建籬門在古聲建市東西籬門在石頭城東南籬門在國門之西北籬門在覆舟山東玄武湖東南角有亭名籬門又有三橋籬門在光宅寺側白楊籬門石井籬門在護軍府西籬門外路北齊東昏時陳顯達舉兵官軍敗之於西州斬於籬門側始安王暕先據東府反使左興盛屯東籬門又崔慧景與江夏王寶玄舉兵東昏遣將軍左興盛率臺內三萬人拒慧景於北籬門梁高祖建義命陳伯之進據籬門天監八年新作緣淮塘南岸起後渚籬門達于三橋

古宣陽門

洛京舊名都城正中門也南直朱雀門相去五里門三道上起重樓懸楣上刻木為龍虎

相對皆繡栢藻井南史宋明帝時有人謂宣陽門為白門以為不祥甚諱之通典孝武時侍中何偃南郊陪乘

驚輅過白門門間將匄帝
反手接之曰朕反陪卿也

古大司馬門

在宣陽門內三國典畧侯景攻臺城燒大司馬門後閭舍人高善寶以私金千兩賞

戰士直閭將軍宗思領將士數人踰城出外灑水久之
火滅景又遣持長柯斧入門下斧門將開羊侃繫扇為
孔以禦刺倒二人斫者乃退

古建春門

臺城正東面門後改為建陽門文選謝希逸
宋孝武宣貴妃誅曰經建春而右轉循閭闔

而送
度

古東掖門

晉成帝修宮城南面閭四門最東曰東掖門
門三道南直蘭臺最西曰西掖門其地在宋

宮城
東北

古南掖門

宮城南面近東門案寶錄南面次東曰闔闔門後改為南掖門世謂之天門南直蘭臺宮

西大路升平五年南掖門馬足陷地得銅鐘一有二四字註南掖門是建康宮南面東門陳朝改名端門南出都城開陽門即宣陽東門也楊公則自越城移屯領軍府壘北樓與南掖門相對

古雲龍門

第二重宮牆東面門對第三重宮牆萬春門宋劉湛初入朝善論政道并前代故事聽者

忘疲每旦入雲龍門御者便解駕左右羽儀分散不出侍中司徒尚書令謝朓足疾不堪拜謁乃角巾自輿詣雲龍門

古神虎門一曰神武門

第二重宮牆西面門對第三重宮牆千秋門宋書傅亮永初四

年為中書令直中書省專典詔令以亮任總國權聽於省見客神虎門外每旦車常數百兩齊陶弘景為高帝

諸王侍讀奉朝請既而脫朝服
掛神武門上表辭祿詔許之

古西明門 臺城正西面門也寶錄云宋徐羨之住西州高祖嘗思羨之便步出西掖門羽儀絡繹追

之已出西明門矣

古平昌門 宮城北面近東對南掖門其地在今城東宋劉延孫為尚書左僕射疾病不任拜起上使

乘舟自清溪至平昌門入尚書下舍

古廣莫門 洛京舊名都城北面次西門也北直樂游苑南門其地在今城東北宋元嘉二十五年夏

四月新作閭闔廣莫二門王曇首傳元嘉四年車駕出北堂使三更竟開廣莫門南臺云應璩白獸幡銀字祭不肯開尚書左丞羊元保奏免御史中丞傅隆以下曇首曰既無恩勅又闕幡祭惟稱上旨不異單刺元嘉元

年雖有再開門例此乃前事之違今之守舊未為非禮其不請白獸幡銀字檄致開門不時由尚書相承之失

未合糾正上特
無問更立科條

古國門

梁天監七年作國門于越城東南在今高座寺東南潤橋北越城東偏

古望國門

南史梁侯景犯建康今羊侃率千騎頓望國門其地在越城東南

古光德門

古蹟編云在東門外趨蔣山路東北曲折處舊傳如此未詳其始

石闕

南朝宮苑記曰晉元帝欲於宮前立闕衆議未定王導指牛頭山為天闕不別立闕宋孝武大明七

年於博望梁山立雙闕梁置石闕在端門外陸倕為銘銘曰象闕之制其來已遠或以聽窮省寃或以布治縣法或表正王居或光崇帝里晉氏寢弱宋歷威夷乃假雙闕於牛頭託遠圖於博望有欺耳目無補憲章註此

石闕在端門外夾道置之其上隱起奇獸異禽之狀規制詳見後碑碣類

白下門

見白下亭

秦淮柵

即柵塘也案寶錄註吳時夾淮立柵又梁天監中作重柵皆施行馬至南唐時置柵如舊

青溪柵

在城東蘇峻之亂因風縱火進燒此柵官軍再敗卞壺父子死之隋平陳斬張麗華孔貴妃於

此柵下

今府城八門

見前圖

吳太初宮

建康寶錄吳大帝遷都建業徙武昌宮室材瓦繕太初宮即長沙王孫策故府也赤烏十

年作十一年宮成周迴五百丈正殿曰神龍南面開五門正中曰公車門次東曰昇賢門更東曰左掖門次西

曰明陽門更西曰右掖門東面正中曰蒼龍門西面正中曰白虎門北面正中曰玄武門北直對臺城西掖門前路東即右御街又起臨海等殿晉元帝渡江因吳舊都即太初宮為府舍及即位稱為建康宮江表傳載權詔曰建康宮乃朕從京來所作將軍府寺耳材柱率細小今未復西可徙武昌材瓦更繕治之有司奏言武昌宮已二十八歲恐不堪用宜下所在更伐木治權曰大禹以卑宮為美今軍事未已所在多賦損農武昌材自可用也左太冲吳都賦曰起寢廟於武昌作離宮於建業闡闔閭之所營采夫差之遺法抗神龍之華殿施榮楯而捷獵崇臨海之崔巍飾赤烏之韞擘東西膠葛南北崢嶸房櫺對擴連閣相經闌闔譎詭異出奇名左稱彎碣右號臨碕彫鏤鏤藻青瑣丹楹圖以雲氣畫以儼靈雖茲宅之夸麗魯未足以少寧註云神龍臨海赤烏皆吳大帝所作建業太初宮殿名也彎碣臨碕宮門名也晉史石冰之亂太初宮盡焚陳敏平石冰因太初故基創府舍元帝

所居即敏所造帝領江左十年始即位常在舊府則
帝亦不改作至成帝始繕苑城詳見晉建康宮下

吳昭明宮

始謂之新宮周五百丈與大初宮相望榜曰
昭明後主移居之晉避諱改曰顯明宮吳志

後主甘露三年六月起新宮於太初之東制度尤廣二
千石已下皆自入山督攝伐木又攘諸營地大開苑囿
起土山作樓觀加飾珠玉制以奇名又開城北渠引
後湖水流入宮內巡遠堂殿窮極伎巧功費萬倍

吳南宮

吳太子宮在南大帝赤烏二年適南宮宋置
欣樂營於其地在舊江寧縣治北二里半也

晉建康宮

亦名新宮晉成帝咸和七年新宮成名曰建
康宮亦名鎮陽宮直法寶寺之南在今臺治

北五里舊志云新宮即臺城也在江寧縣治北五里周
八里有牆兩重晉成帝時蘇峻作亂盡焚臺城宮室溫
嶠以下咸議遷都唯王導固爭不許咸和六年使于
營治七年新宮成開五門南面二門東西北各一門十

二月帝遷居之明年正月朝萬國于新宮孝武太元三年謝安以宮室朽壞啓作新宮仰模元象合體辰極王彪之曰中興即位東府誠為儉陋元明二朝亦不改制蘇峻之亂成帝止蘭臺都坐不蔽寒暑是以更營修築殆合奢儉之中今自可隨宜增修強寇未殄不可大興力役安曰宮室不壯後世謂人無能彪之曰任天下事當保固國家朝政惟允豈以修屋為能耶詔曰昔大賊縱暴宮室焚蕩元惡雖除未暇營築有司屢陳朝會逼狹遂作斯宮予來之歌不日而成新宮內外殿宇大小凡三千五百間

晉永安宮

即吳東宮在臺城東南輿地志吳東宮在城之南晉初東宮在城之西南其後於宮城之

東南宋齊梁又在宮城之東北宮苑記永安宮在臺城東華門外晉孝武太元二十一年新作東宮本東海王第安帝立以何皇后居之桓玄拆其材木入西宮以其地為細射宮至宋元嘉十五年築為東宮陳太建九年

移皇太子居之

宋親蠶宮

在上元縣鐘山鄉閭婆寺前紗市中南史宋大明三年立皇后蠶宮於西郊四年三月庚

申皇后親蠶西郊輿地志孝武初立為苑後為西蠶所隋志江左至宋大明始於臺城西白石壘為西蠶設兆域置大殿七間又立蠶觀其禮皆循晉氏蔡宗旦金陵賦註親桑堂側有蠶觀今北莊前平地是其處

齊世子宮

在石頭城南史齊武帝為世子日以石城為宮

梁金華宮

在青溪東去臺城三里考證輿地志梁大同中所築昭明太子蔡妃所居陸襄傳云大通

三年昭明太子薨宮屬罷妃蔡氏別居金華宮以襄為中散大夫步兵校尉金華宮家令知金華宮事

陳安德宮

衆官苑記在宣陽門外直西即都城西南角外陳宣帝為之皇后所築隋平陳移江寧縣

於此明年罷之有古池存人呼為安
德宮池宋末池猶存在精銳軍寨內

青溪宮

在城東二里南史齊武帝元嘉二十七年生於建康之青溪宮後為芳林苑

未央宮長樂宮建章宮長楊宮

南史宋廢帝景和九年以東府城為未央宮以

石頭城為長樂宮以北邨為建章宮南
第為長楊宮東府城在古青溪橋東

梧園宮

在句容縣吳王別館有梧楸成林今不詳其
所任昉述異記古樂府云梧宮秋吳王愁

宋行宮即舊建康府治高宗紹興二年修為行宮

建炎元年

尚書右僕射兼中書侍郎李綱言於高宗曰天下形勝
關中為上建康次之請以長安為西都建康為東都各
命守臣葺城池治宮室積糗糧以備臨幸則天下之勢
安矣上出其章付中書衛尉少卿衛膚敏曰建康實古

帝都外連江淮內控湖海為東南要會之地伏望趣下
嚴詔夙期東幸中書舍人劉珏曰金陵天險前據大江
可以固守廷臣率附其議於是大臣皆主幸東南二年
五月上至江寧府駐蹕神霄宮詔改江寧府為建康府
二年閏七月上發建康如浙西紹興二年上命江南東
路安撫大使李光即府舊治修為行宮光乞增創後殿
許之以圖進呈上曰但令如州治足矣若止一殿雖用
數萬緡亦未為過必事事相稱則土木之侈傷財害民
何所不至象箸之漸不可不戒由是制度簡儉六年六
月右僕射張浚謂建業為中興根本奏請聖駕以秋冬
臨幸七年三月辛未上至建康十一月上謂浚曰朕來
建康行宮皆因張俊所修之舊不免葺數間小屋為寢
處之地當與卿觀之初不施丹雘蓋不欲勞人費財也
八年正月上將還臨安叅知政事張守言曰陛下至建
康席未及煖願少安於此以繫中原之心趙鼎持不可
壬戌召張俊至宮中諭之曰朕來日東去卿在此無與

民爭判勿興土木之工俊懷息承命俊見地無磚面再
三嘆息上曰此事非難但艱難之際一切從儉庶少紓
民力朕為人主雖以金玉為飾亦無不可若如此非特
一時士大夫之論不以為然後世以朕為何如主也三
十二年正月上海復至建康二月還臨安初上謂輔臣曰
將來幸浙西建康宮守令有司照管它時復幸免更營
造以傷民力中書門下省言建康府已除行宮留守詔
應合行事件並依西京留守司體例施行自是江南東
路安撫司常兼留守每歲四季月集
令入宮點視晉守司屬官一員從之
行宮
在天
津
橋
北
統制
宮門
在
宮
南
皇
寢
殿
在
宮
中
朝
殿
在
寢
殿
南
復
古
殿
在
寢
殿
後
司
南
城
南
門
北
御膳所
在
朝
殿
左
進
食
殿
在
復
古
殿
南
直
筆
閣
在
朝
殿
後
羅木堂
在
復
古
殿
後
御膳所
在
朝
殿
左
進
食
殿
在
復
古
殿
南
直
筆
閣
在
朝
殿
後
右
內
東
宮
在
宮
左
南
位
右
孝
思
殿
在
內
東
宮
後
資
善
堂
在
學
士
院
右
南
位

在內東宮
左御苑右

大射殿

在御教
場北

小射殿

在復古
殿西北

天章閣

在皇
城門

內宮門外宮南隅
與學士院相對

學士院

在皇城門內宮門外西
南隅與天章閣相對

御教

場

在軍器
庫南

走馬廊

在進食
殿西南隅

御苑

在皇城東門內御
馬院之北南位左

八

僊臺

在御苑
東北

涼館

在御教場內元符間元時
敏作記刻石在學士院

高齋

在官
東北

隅慶厯間胡宿作
記刻石在學士院

御輦院

在天章
閣後

御馬院

在城隍
司左

軍器

南北兩庫

在走馬
廊前

御酒庫

在資善
堂右

御醋庫

在御酒
庫右

錢物

庫

在御教
場門右

內侍省

在宮右軍
器庫左

皇城司

在天章
閣左

皇城

周四
里二

百六十五步高二丈五尺下闊一丈
五尺紹興二年即舊子城基增築

皇城南門

正對天
津橋御

街一 皇城東門 對後軍教場城上有 皇城西門 對江寧縣前大

街前有 東待漏院 在皇城門外左 西待漏院 在皇城門外右 東闕亭 在東

待漏院左 西闕亭 在西待漏院右 親事堂 在東待漏院左 護龍河 分青溪水自東虹橋

下流入河遠皇城東北西三隅至西虹橋下與青溪水復合為一

吳赤烏殿 舊縣東北五里吳昭明宮內考證吳時赤烏見遂起殿名赤烏

吳神龍殿 太初宮有神龍殿去舊江寧縣三里

太極殿 建康宮內正殿也晉初造以十二間象十二月至梁武帝改製十三間象閭馬高八丈長二十

七丈廣十丈內外並以錦石為砌次東有太極東堂七間次西有太極西堂七間亦以錦石為砌更有東西二

上閣在堂殿之間方庭闊六十畝山謙之丹楊記曰太極殿周制路寢也秦漢曰前殿今稱太極東西堂亦魏制如周小寢也按秦始皇改命官為廟以擬太極魏號正殿為太極蓋采其義晉成帝咸康中庾闡議改太為泰謬矣徐廣晉記曰孝武寧康二年尚書令王彪之等改作新宮太元三年二月內外軍六千人始營築七月而成謝安作新宮造太極殿欠一梁忽有梅木流至石頭城下因取為梁殿乃成畫梅花於其上以表嘉瑞寶錄云太元中起太極殿謝安欲使王獻之題榜而難言之因說魏韋仲將懸虛橙書凌雲臺額獻之正色曰仲將魏之大臣寧有此事使其若此有以知魏德之不長安遂不之逼晉中興書云孝武造太極殿郭璞卜筮云二百一十年此殿為奴所壞後梁武帝毀之捨身為奴文昌雜錄云東晉太極東西閣天子間以聽政閣之名起於此宮苑記又云太極殿前東西有二大鍾宋武帝平洛所獲並漢魏舊物殿前有相風烏南史張永曉音

律太極殿前鐘嘶孝武嘗以問永永答鐘有銅滓乃扣
鐘求其處鑿而去之聲遂清越陳高祖永定二年新作
太極殿欠一柱忽有樟木大十八圍長四丈三尺自流
泊陶家後渚監軍鄒子慶以聞詔以造殿陳史沈衆兼
起部尚書監起太極殿常服布袍芒履以麻繩為帶又
糞麥餅以啖宋張洎撰定新儀奏曰今之崇德即唐之
紫宸也在周為內朝在漢為宣室在唐曰上閣即隻曰
常朝之殿也東晉太極殿有東西閣唐制紫宸上閣法
此制也

晉清暑殿

在臺城內晉孝武帝造殿前重樓複道通華林園爽塏奇麗天下無比雖暑月常有清風

故以為名宋書云晉太元中立內殿名清暑少時而崩
時人曰清暑反言楚聲也果有哀楚之事又讖云代晉
者楚及桓玄篡逆號楚劉裕篡晉亦楚王交之後云

宋嘉禾殿

宋孝武大明五年清暑殿西甍鴟瓦中生嘉禾一杭五莖改清暑殿為嘉禾殿

宋含章殿

宋孝武帝女壽陽公主人曰卧於含章殿簷下梅花落公主額上成五出花拂之不去皇后

留之看得幾時經二日洗之乃落它女奇其異效之今稱梅花粧是也

宋玉燭殿

宋孝武帝所造在宮中考證孝武壞武帝所居治室於其處起玉燭殿與從臣觀之牀頭

有土障壁上掛葛燈籠麻繩拂侍中素顯稱武帝儉素之德帝不答獨言曰田舍翁得此已過矣按南史晉諸帝多處內房朝宴所臨東西二堂而孝武帝末年清暑方建其初受命無所改作所居惟稱西殿不制嘉名文帝因之亦有合殿之稱孝武承統追隨前規更造正光玉燭紫極諸殿彫鑿綺節珠窻網戶

宋紫極殿

宋明帝所作珠簾綺柱江左所未有考證齊高帝欲以其材起宣陽門王儉褚淵王僧虔

連名表諫
手詔酬納

齊昭陽殿

齊有顯陽昭陽二殿太后皇后所居也考證

姬荀昭華居鳳莊殿宮內御所居壽昌畫殿南閭置白
鷺鼓吹二部乾光殿東西頭置鐘磬兩廂皆宴樂處也
上數遊幸諸苑園載宮人從後車宮內深隱不聞端門
鼓漏聲置鐘於景陽樓上宮人閒鐘聲悉起粧束自後
此鐘惟應三鼓及五鼓也武帝永明十一年詔曰內殿
鳳華壽昌靈曜三處此吾所治製夫貴有天下富兼四
海宴處寢息不容太陋謂此為奢儉之中謹勿壞去梁
陶弘景詩云夷甫任散誕平子坐談空豈悟昭陽殿化
作單于宮時天下之士尚西晉之俗競談玄理故弘景
云及侯景傾陷篡位果在昭陽殿令景陽基猶存在宋
精銳中
軍寨內

齊芳樂殿

在臺城內齊史云東昏大起芳樂玉壽諸殿以麝香塗壁刻畫粧飾窮極綺麗役者自夜

達曉猶不副連後宮服御極選珍奇府庫舊物不復周用民間金寶價皆數倍建康酒租皆使輸金猶不能足鑿金為蓮花以帖地令潘妃行其上曰步步生蓮花

齊靈和殿

在臺城內考證齊武帝時益州刺史劉俊猷蜀抑帝命植於靈和殿下三年柳成枝條柔

弱狀如絲縷帝與公卿宴賞數曰此柳風流可愛似張緒少年時

梁重雲殿

梁武帝造在華林園隋志云殿前置銅渾儀是劉曜光初六年孔挺所造何承天以為張

衡所造陳書云高祖三年戊辰重雲殿東鳴吻有紫烟出屬天

梁五明殿

在臺城內考證梁大通中皇帝謙恭待士時忽有四人來貌可七十鵝衣鵞履入丹楊郡

建康里行已經年無人知者帝召入儀賢堂給湯沐解御服衣之合朝無識之者惟昭明太子識之四人喜揖昭明如其舊交目為四公子帝移四公子入五明殿更重之大同末魏使崔敏來聘敏博瞻儒釋知天文醫術帝選十人於此殿推論三教百家六籍五運九十餘日敏喪神嘔血歸未及境而卒事類記四人姓名曰蜀閬靚王趙鸞仇啓

難敏者仇啓也

披香殿

在臺城內後宮考證庾子山詩宜春苑中春已歸披香殿裏作春衣蓋指此也

林光殿

在舊江寧縣東北十里潮溝村覆舟山前晉為樂園

光嚴殿

在舊江寧縣東北六里景陽山東嶺南考證梁於臺城中立層城觀歷代修理更起重閣上名

重雲殿下
名光嚴殿

鳳光殿

在舊江寧縣東北七里一百步舊臺城內

光華殿

在臺城梁武帝大通中施與草堂寺取珠貝直百萬以其地起重閣七間

寶雲殿

在臺城梁武以施佛寺

惠靈殿

亦供養佛事宇於臺城立正福清曜等殿又臺城溫德門內有永正溫文文思等殿陳永定中

於臺城起昭德嘉德壽安乾明有覺等殿又臺城溫德門內起三善長春勝辯等殿又有嘉禾崇政承香栢梁延昌神仙永壽七賢瞻明延務龍光至敬璇璣光昭大政栢香諸殿自林光殿以下皆建康宮闕簿所載

陳求賢殿

在臺城內後主皇后沈氏居之后字務華沈君理之女端倩好學後主薨自作哀冊文辭

甚酸

楚

景陽樓

今法寶寺西南在宋猜鉞中軍寨內遺址尚存里俗稱為景陽樓輿地志宋元嘉二十二年修

廣華閣

景陽樓狀如烟迴薄久之詔改為慶雲樓宮苑記云

出景陽樓齊武帝時置鐘景陽樓上使宮人聞鐘聲並起粧飾

青漆樓

在上元縣北五里臺城內齊書云世祖興光樓上施青漆時人謂之青漆樓東昏侯曰武帝不

巧何不純用瑠璃

朝日夕月二樓

在華林園內考證梁武帝所起階道遠樓九轉宮苑記云景陽山次東嶺起通

天觀觀前又起重閣上重曰重雲殿下重曰嚴光殿殿前當堦起二樓左曰朝日樓右曰夕月樓巧麗無匹

入漢樓

在石頭城實錄晉義熙八年於石頭城南起高樓加累入於雲霄連堞帶於積水名曰入漢樓

觀稼樓

在城東二十三里梁武帝起

望遠樓

在江寧縣西南八里輿地志云新亭壘上有望遠樓宋元嘉中改名臨滄觀後名勞勞亭是也

落星樓

在上元縣東北古臨沂縣前考證吳大帝時山置三層樓樓高故為此名今石步相去一里半

有落星墩里俗相傳即漢時建樓處今去城四十里

烽火樓

在石頭城西南最高處吳時舉烽火處也考證宋元嘉中魏太武至瓜步聲欲渡江文帝登烽火

大樓極望不悅謂江湛曰北伐之計同議者少今日貽大夫之憂在予過矣蘇峻之亂陶侃溫嶠入討舟師直指石頭峻登烽火樓望見士衆之盛有懼色謂左右曰吾本知溫嶠能得衆也

李白酒樓

在城西考證李白翫月城西孫楚酒樓遠眺歌吹日晚來醉著紫綺裘烏紗巾與酒客數

人棹歌秦淮往石
頭訪崔四侍御

冶城樓

宋天慶觀西偏吳冶城舊基下將軍墓側考證
晉謝安王羲之同登冶城樓悠然遐想有高世

之志

百尺樓

南唐宮中有百尺樓綺霞閣類說云唐主於宮
中作高樓召羣臣觀之衆皆歎美蕭儼曰恨樓

下無井耳唐主問其故對曰恨
不及景陽樓唐主怒貶於舒州

忠勤樓鐘山樓

見前臺
署圖考

高陽樓

在古臺城內又有和旨
樓在市西皆酒樓久廢

臨江樓

唐劉長卿有金陵泊舟臨
江樓詩見陳軒集久廢

東南佳麗樓

見前府治圖考又有舊佳麗樓在米市西曹家巷口

伏龜樓

在府城上東南隅景定元年馬先祖增創便樓八十九間

層樓

在府城右南廂花行街咸淳中黃萬石重建扁曰江淮奇觀府治火今移鼓角於此

南樓

在府城右南廂中界寬征坊與舊佳麗樓相對

安遠樓和熙樓

並在府城右北廂太平橋西南

有年樓

在權貨務巷口總領吳潛建并書扁

豐裕樓

在南門外西街歸附後為財賦官屋

南澗樓

在城南八里舊縣尉衙西久廢今江寧縣治西是也荆公有登南澗樓詩

嘉會樓

在府城南南廂北界大木頭街至元二十六年大其地基入後法性寺

嘉瑞樓

在鎮淮橋北本名鎮淮樓寶祐六年燬重建改今名見為民庶居屋

臨春結綺望僊三閤陳後主至德二年建

官苑記在華林園天泉池

東光昭殿前高數十丈並數十間其窓牖戶壁欄檻之類皆以沉檀為之又飾以金玉閤以珠翠外施珠簾內設寶帳其服玩瑰麗近古所未有其下積石為山引水為池植以奇樹雜以花藥後主自居臨春張麗華居結綺龔孔二貴妃居望僊並視道交相往來使女學士與狎客賦詩采其尤豔麗者以為詞被以新聲曲有玉樹後庭花臨春樂等麗華聰慧有神采嘗於閤上靚粧臨軒檻宮中遙望若神僊

昇元閣

舊在昇元寺即瓦棺寺也在城西南隅京師寺記瓦棺寺有瓦棺閤乃梁朝所建高二百四十

尺李白橫江詞云人言橫江好我道橫江惡一風三日吹倒山白浪高於瓦棺閣龔頴運歷圖云開元九年江寧縣瓦棺寺閣西南久傾因風自正吳順義中改寺為昇元寺閣為昇元閣江南野史唐仁傑為溧陽主簿羣公休沐宴昇元閣仁傑即席和登閣詩有雲散便凝千里望日斜常占半城陰之句坐客皆驚南唐書云昇元閣因山為基高可十丈平坦閣影半江開寶中王師叔復士大夫暨豪民富商之家美女少婦避難於其上殆數千人起兵舉火焚之哭聲動天一旦而燼今崇勝城壇寺近昇元閣故基宋時嘗建廬舍佛閣亦高七丈里俗猶呼為昇元閣歸附後閣燬於火故基尚存

青溪閣

在府治東北青溪上本梁江總故宅至宋為殿約之宅有亭曰割青取荆公詩割我鐘山一半

青之句乾道五年秋因移放生池於青溪之曲即割青故基建閣焉

涵虎閣

南唐徐渢東官
園內見徐鉉集

清心堂玉麟堂錦繡堂忠實不欺之堂靜得堂鎮青堂

芙蓉堂籌勝堂君子堂

見前臺
署圖考

清如堂

在青溪溪波橋北馬光祖建取御翰
中一清如水之語名之梁榑為記

思政堂

在通判西廳乾道六年
潘恕建好溪章謙為記

籌思堂

在轉運司園內本籌思亭之舊王荆公范忠宣
公皆有詩紹興二十二年鄭僑年即亭基建堂

邊惇德

為記

忠宣堂

在轉運司西廳本雙
槐堂真文忠公改建

戲綵堂

在轉運司正堂後嘉定八年真文忠公將母出使葺而名之馬光祖王堃皆公門下士寶祐初

適同持節于此新其堂大其扁且刻石識之

使華堂

在總領所圓內紹定三年戴楠建堂後為橋跨溪榜曰尋春橋之北為看窓榜曰畫舫皆馬光

祖所作

仁本堂

在總領所東廳馬光祖建

誓清堂

在臺治東觀兵教場內紹熙元年留守章森建淳祐七年趙葵改建指授堂

有美堂

在宗行宮內舊為府治梅堯臣宛陵集載金陵有美堂詩云

儀賢堂一名聽訟堂

考證吳建中堂在郢城宣陽門內路西每歲榮孝廉秀士考學士學

業歲暮習文會義於此梁改曰儀賢梁武帝謙恭待士
大通中有四人來年七十餘鵜來躡履勅召入儀賢堂
帝問三教九流及漢舊事
如目前餘見前五明殿下

樂賢堂

在臺城內晉肅宗為太子時所作蘇峻之亂宮
室皆焚惟此堂獨存考證宮城西南角外有清

游池通城中樂賢堂晉咸和七年彭城王綰上言樂賢
堂有先帝手畫佛像屢經寇難而此堂獨存宜勅作頌
帝下其議蔡謨曰佛者空寂之教非經典之制先帝量
同天地多才多藝聊因臨時而畫此像至於雅好佛道
此未聞也
於是遂寢

武帳堂

宋元嘉中建于武帳岡上世傳在城北二十里
幕府山南前志考證宋文帝元嘉二十一年宴
于武帳堂將行勅諸子且勿食至會所賜饌曰盱食不
至有飢色上曰汝曹少長豐逸不見百姓艱難今使汝

曹識有飢苦知
以節儉期物

鄭介公讀書堂

在清涼寺考證鄭伏字介夫其先光州固始人四世祖佑唐末隨王氏入閩遂

為福清人俠既冠遭妣黃氏憂念家貧親老自誓苦學
治平二年初舉下第隨父暈赴江寧府監稅得清涼寺
一小間閉戶讀書唯冬至元日歸省時王荆公以中書
舍人持服寓江寧聲迹相聞公未嘗往見有楊驥者鄴
陽人來就學於荆公公語之曰鄭監稅一子在清涼讀
書聞其人好學可與相就驥如其言歲正月一夕大雪
寒甚通直以酒食餉公公讀書至夜艾呼驥共飲酒登
寺之瑞像閣題詩曰濃雪暴寒寒齋寒齋豈怕哉漏隨書
卷盡春遂酒瓶開一酌招孔孟再斟留賜回醺酣入詩
句同上玉樓臺已而楊君雪後為荆公誦此詩公嘆賞
屢諷其漏隨書卷盡春遂酒瓶開之句曰真好學也是
歲治平四年擢甲科調光州司法以歸荆公服除起知

江寧相見愈厚及公赴浮光荆公入參大政公數具書
諫荆公極言新法之為民害不聽後監在京安上門數
上書言新
法被謫

韓熙載讀書堂

在溧水無想寺中熙
載集有贈寺僧詩

蠶室

在舊江寧縣北七里耆閣寺前
紗市中六朝皇后親蠶之所也

董永讀書堂

在溧陽州西四十里林木茂翳考
證永嘗自鬻以養其親見孝子傳

東宮宣猷堂

梁紀修飾國學增廣生員立五館置五經
博士天監五年置集雅館以招遠學何佟

之賀瑒嚴植之明山賓等覆述制旨并撰吉凶軍賓嘉
五禮千餘卷帝稱制斷疑焉大同七年宮城西立士林
館賀瑒孔子袞等逸互講述皇太子宣城王亦於
東宮宣猷堂及揚州解開講四方郡國莫不向風

南唐澄心堂

李後主藏書籍會
文士撰述之所

四老堂

在轉運司
元吉為記

尚友堂

在青溪先賢祠
後馬光祖建

飛泳堂

在江東運管廳
紹定四年建
嘉定九年重建

來燕堂

在烏衣園

存心堂

在上元縣西偏
景定三年知縣事
臨叩揚應善荆建
取程純公語為扁

古射堂

古迹編在石頭城東
晉義熙六年大風
琅琊揚州射堂壞
又有積弩堂近石頭

中皇堂南皇堂

晉宋守都城嘗屯兵
於此今不詳其所

德星館

在西門外七里
倪總領屋建

通江館

在賞心亭東月堂舊基後為回易庫
馬光祖改立通江館以待四方賓客

橫江館

在水西門內賞心亭側馬
光祖創以待四方之賓客

古商聽館

見後九
日臺下

別館

陳書六門之外有別館
曰婚第諸王冠婚之所

昭文齋

在鐘山定林庵王
安石嘗讀書於此

式敬齋

在左司理廳邢
庚立傳行簡銘

紬書齋

在府治東北鐘山樓下馬光祖命周
應合修志其中又有學齋見前圖考

忠孝亭

在永壽宮西見
前冶城圖考

賞心亭

在下水門之城上下臨秦淮盡觀覽之勝丁晉公謂建景定元年亭燬馬光祖重建李學士家

談曰揚州有賞心亭此其始也湘山野錄及苕溪漁隱并金陵事迹皆云丁晉公鎮金陵重建賞心亭取家藏卧雪圖張於屏乃唐周昉筆經十四太守雖杜愛不敢輒取後為一太守以九筆畫蘆鴈易之祝穆編方輿勝覽引續志云丁始典金陵陸辭之曰真宗出八幅表安卧雪圖曰付卿到金陵可選一絕景處張此圖謂遂張於賞心亭按乾道舊志及湘山野錄苕溪集金陵記王密學詩序皆言賞心亭卧雪圖出於晉公家藏不言御賜唯晉公圖畫見閩志中以此圖為真宗所賜和父蓋本此耳今姑存其說景定庚申四月二十一日龍王廟灾風盛燄熾其東正接大軍廣濟諸倉馬光祖至倉所叩頭祈天風反而西倉廩得全舊賞心亭在龍王廟西

正當風反之處不免煨燼公曰舍煨則食難足亭燬易建也乃重建今亭又有臨淮亭丁謂建後名朝宗觀風亭賞黃中建蓋步亭陳執中建南浦亭李若谷建皆不詳其所

白鷺亭

在賞心亭西下瞰白鷺洲景定元年馬光祖重建李白鳳風臺詩有二水中分白鷺洲之句亭

對此洲故名蘇東坡嘗題其柱王勝之龍圖守金陵一日而移南郡東坡作長短句贈之千古龍蟠并虎踞從公一弔興亡處渺渺斜風吹細雨芳草渡江南父老留公住公駕飛車凌綵霧紅鸞膠乘青鸞馭却訝此洲名白鷺非吾侶翩然欲下還飛去

二水亭

在下水門城上下臨秦淮西面大江北與賞心亭相對乾道五年留守史正志因修築城壁重

建李白詩云二水中分白鷺洲亭名取於此

五馬亭

乾道志城西北二十五里幕府山前有亭廢晉五王渡江處

光明亭

宋書蒼梧王微行出北湖單馬先走羽儀禁衛隨後追之於堤塘左右張立兒墜湖帝怒取馬

置光明亭前自馳騎射殺之

冶亭

在冶城考證宋義熙十一年劉鍾領石頭戍事也冶亭即晉王導所移治處見前圖考及祠祀志

東冶亭

舊志云在城東八里續志云在城東二里汝南灣西臨淮水此亭在半山旁有瑞麥知稼二亭

考證晉太元中三吳士大夫於汝南灣東南置亭為餞送之所西臨淮水即當時治處見後官署前志以為自王導疾時移此非也冶城乃當時西冶自有冶亭謝安為揚州袁宏為東揚郡祖道於冶亭羣賢畢集又南史王裕之元嘉六年遷尚書令固辭表求東遷改授侍中及東歸車駕幸東冶餞送乾道五年留守史正志於半

山寺前重建劉珙以四面皆田作亭於旁以知稼名景
定辛酉馬光祖新之又增一亭扁曰瑞麥與知稼對峙
是年上元縣惟政鄉麥秀兩歧知縣鍾蜚
英上其瑞于朝有吉獎諭亭所以名也

覽輝亭

在今保寧寺後鳳凰臺舊基側寺有覽輝亭碑
刻缺不可讀莫詳其人唯歲月可考蓋熙寧三

年夏四月也詳
見鳳凰臺下

翠微亭

在城西五里清涼寺山頂南唐時建宋乾道間
亭已不存紹熙中復建隸淮西總領所景大亭

小淳祐已酉總領陳綺新而
大之石城登臨最佳處也

新亭亦曰中興亭

去城西南十五里近江渚丹陽記曰
京師三亭吳舊立先基既壞隆安中

丹楊尹司馬恢徙創今地世說過江諸人每至暇日輒
相邀出新亭藉卉飲宴周侯顗在坐嘆曰風景不殊舉

目有江河之異皆相視流淚惟丞相導慨然變色曰當共戮力王室克復神州何至作楚囚相對泣耶孝武寧康元年桓溫來朝頃兵新亭召王坦之謝安安發其壁後置人溫為却兵笑語移日劉牢之自譙洲應桓玄進敗王師於此揚佞期至石頭聞劉牢之領北府兵在新亭賊皆失色乃回師屯于蔡洲崔慧景兵至新亭石頭白下兵皆潰徐道覆勸盧循焚舟自新亭步上宋孝武入討至新亭修建營壘因即位王僧達始改為中興亭元徽二年桂陽王休範舉兵朝廷集議或欲依舊遣兵據梁山蕭道成以謂新亭正是賊衝昔上流謀逆皆因淹緩以敗休範懲之必輕兵急下乘我無備請頓新亭以當其鋒乃出新亭治城壘未畢賊遽至道成登西垣使陳顯達等與賊水戰大破之賊將丁文豪設伏破皂莢橋軍直至大航陷東府或傳新亭亦陷道成遣周盤龍等從石頭渡間道承明門入衛宮闕道成仍守新亭破休範宋討晉安王子勛所向克捷事平明帝大會新

亭勞諸軍主檇蒲官暗梁武帝起義兵進屯江寧東昏使李居士率兵屯新亭梁擊破之遂次新林乾道五年留守史正志即故基重建亭自為記

金山亭

在舊行宮內考證蘇魏公頌集中有金陵府舍重建金山亭詩王荆公安石懷府園詩亦云常

憶小金山下路綠荷深處見游儻此亦府園有金山之證

練光亭

在保寧寺今廢考證蘇魏公頌有遊保寧寺練光亭詩黃魯直嘗題云練光亭極是登臨勝處

然高寒不可久處若於亭北穿土石作一幽房置茶鐙設明窓瓦堆殊勝不爾師方丈北挾有屋兩楹其一開軒其一作虛窓與室余為名軒曰物外主人喜作詩也名室曰凝香密而清明於事稱也

折柳亭

在賞心亭下張忠定公詠建為祖餞之所久廢景定元年馬光祖重建

佳麗亭

與風亭相近馬亮建

此君亭

在華藏寺王荆公嘗題華藏寺此君亭詩元祐間亦有歌詩

水亭

有二一在臺城寺即今法寶寺一在齊南苑中是陸機故宅乃王處士水亭也今鳳臺山南傍秦淮

是其處

木牛亭

在移忠禪院西路亭廢名存圖經不載不詳所立之始地屬江寧南七十里處真鄉舊傳有香

木浮而上土人迎之以為亭又號木龍亭

化龍亭

地屬金陵鄉城西二十五里幕府山之側考證晉元帝與彭城王玄西陽王義南頓王宗汝南

王宏南渡之所當時識云五馬浮渡江一馬化為龍此亭所以名也

征虜亭

在石頭塢東晉太元中創世說註丹陽記曰太元中征虜將軍謝安止此亭因以為名南史何

尚之遷吏部郎告休定省送別於冶渚及至郡父叔度謂曰聞汝此來頗朝相送此是送吏部郎非闕何彥德音殷浩亦嘗作豫章送別者甚衆及廢徙東陽船泊征虜亭積日乃至親舊無復相窺者

白下亭

驛亭也舊在城東門外考證李白獻從叔當塗宰陽米詩云小子別金陵來時白下亭又云驛

亭三楊樹正當白下門案此亭似在府西王荆公舊宅在今報寧寺詩有門前秋水可揚舠有意西尋白下亭之句又有東門白下亭摧殘蔓寒葩之句案此亭又在府東意者新舊亭各在一處不然則李白所謂金陵指鍾山耳

勞勞亭

古送別之所吳置亭在勞勞山上今顧家寨大路東即其所見前望遠樓下

紅羅亭

古今詩話唐後主作紅羅亭四面栽紅梅作豔曲歌之韓熙載和云桃李不須誇爛漫已輸

了春風一半時新失淮
南景定志作羅紅亭

客亭

在龍灣五里臨大江
迎送之所也

清水亭

去府城南三十里建炎
四年岳飛敗金人於此

二李亭

在舊源水縣尉廨
舍後詳見前圖考

甘露亭

在上元縣北鍾山鄉去城五里考證陳太建元
年秋閏九月甘露三降樂遊苑詔於苑內覆舟

山立甘露亭又按輿地志宋元嘉中移晉北郊壇出外
以其地為北苑更造樓觀于覆舟山上大設亭館侯景
之亂焚毀至陳天嘉中更加修
葺於山上立甘露亭陳亡並廢

朝陽亭

在通判東
廳張維建

望湖亭

在雞籠山上或云南唐立今遺址見存

不受暑亭

在清涼寺後景德二年馬光祖重建考證清涼廣惠禪寺南唐為避暑宮宮內有德慶堂

法堂前亭基是也寺後有亭名不受暑光祖所建者今廢

郡圃十亭

詳見前臺亭圖改

青溪諸亭

始自百花洲而入臨水小亭曰放船閣四望亭曰天開圖畫環以四亭曰玲瓏池曰

玻瓈頃曰金碧堆曰錦繡段其東有橋曰鏡中由此而東為清溪莊與清如堂相望南自萬柳堤而入為小亭三橋之南舊萬柳堤改曰溪光山色自橋而北亭臨水曰撐綠其逕前曰添竹谿曰香遠尚友堂之西曰香世界先賢祠之東曰花神仙清如堂之南淥波橋之西曰衆芳曰愛青其東曰割青青溪閣之南清風閣之北有

橋曰望花隨抑其中曰心樂其前曰一川烟月自清風
闕東折而北亭出溪東二曰竹曰蒼雪其後則清溪閣
之餘地也為靜菴菴後有石山亭曰最高山後跨梁陟
徑為堂二前曰閒暇後曰近民諸亭惟割青為舊餘皆
馬光祖所作宋名清溪園號小西湖太守好事者粉飾
標榜地無遺隙來往游宴民得共之今皆廢圯其為寓
公居宅者時有修改今靜菴
後石山猶在俗呼馬公洞云

風亭

在折抑亭東葉清臣建蘇州從事張伯玉為記咸
淳乙丑馬光祖守郡有指其故基以告者乃壘石

為岸創堂三間前後軒如之厨舍備屋
挾翼其旁繚以花竹亦艤舟勝處云

觀稼亭壽樂亭環香亭

在龍翔寺內天歷
年中潛邸所建

惟秀亭

在蔣山崇禧寺西天
歷年中潛邸所建

四城門接官亭

舊有亭卑陋弗稱咸淳元年馬光祖撤而大之其東曰迎暉門拱行都直趨南

徐岐入淮淝郡登茅鍾二名山咸此乎出舊名建陽踰數步即白下有白下亭其西曰致爽出門數里為龍灣

長江駕順而東蜀漢荆廣所畢奏古石頭城在焉南曰來薰門闕漂水漂陽西指當塗上荆蜀漢長干道在焉

北曰拱極門對幕府山踰山闕瑯琊諸峯隱約在目詳見前志

南軒

舊傳在保寧寺方丈祝穆作方輿勝覽謂張魏公開督府時其子讀書於保寧寺方丈小室號南軒

西山真公德秀建南軒先生祠堂於天禧寺方丈後蓋以此為張宣公讀書南軒之舊址王潛齋堊又設西山像脩食祠中作亭其旁扁曰仰宣後移於儀賓館即今南軒書院也

川泳軒

舊在江東撫幹廨舍

存愛軒

舊在知銀廳
周師成有記

穉龍軒

在城內西北鐵塔寺
王荆公嘗讀書處

偃秀軒

在蔣山道
中松間

鳳凰臺

在保寧寺後宋元嘉十六年秣陵王顓見三異
鳥飛集於此狀如孔雀文彩五色音聲諧和衆

鳥又案宮苑記鳳凰樓在鳳臺山上宋元嘉中蔡李白

宋齊丘皆有詩建炎中金人張太師嘗賦詩云六代興
亡地千年一瞬間無情是江水終日對鍾山烽火連吳

越旌旗耀海蠻鳳兮今不至百尺古臺間淳熙中留守
范成大重建更榜曰鳳凰臺開慶元年總領倪垕重建

馬光祖
作記

越臺

舊基在城南江寧縣後考證越范蠡築城長干里此即古越城內所築臺也詳見後越臺辨

周處臺亦名子隱臺

廐字子隱少不逞為鄉里所惡目為三官之一後悔悟殺蛟虎從二

陸學讀書于此今城東南有故基在鹿苑寺後處仕吳為東觀左丞入晉為御史中丞著默語三十篇風土記

擬吳書以討賊而死諡曰孝子玆佐元帝中興三定江南

九日臺

今在將廟西南俗呼為松陵岡去城十五里考證齊武帝永明五年四月立商飈館於孫陵岡

世呼為九日臺十道四蕃志云武帝九月九日宴羣臣孫陵岡即吳大帝將陵齊書云高祖以九月九日登商飈館在孫陵岡南舊江寧縣北三里一百步建康宮闕簿云商飈館在縣北十三里籬門亭後堆上

雨花臺

在城南三里據岡阜最高處俯瞰城闕考證舊梁武帝時有雲光法師講經於此感天雨賜花

故名丹陽記云江南登覽之地三曰甘露曰雨花曰凌
歟建炎兵後臺址僅存後人乃請均慶院舊額即基建
寺又壞于火隆興元年留守陳之茂重築此
臺版一堂名總秀而徙均慶院於臺之下

蔡伯喈讀書臺

在溧陽州太虛觀東北吳顧雍傳云邕

逆吳會積十二年在吳抱朴子云蔡伯喈到江東得論
衡中國諸儒以其論更進嫌得異書求其帳中果得之
則伯喈讀書於此理或有是

郭文舉書臺

舊天慶觀太乙殿即此臺
基也詳見前治城圖考

梁昭明書臺

在蔣山定陵寺後山北高峯上考證梁
昭明太子嘗著書於此今遺基尚存

望耕臺

在今白上村舊志宋文帝嘗登此臺以觀公卿
親推之禮宮苑記在籍田壇東北有觀稼樓祈

年殿皆在霄壇北城之內梁武帝徙
藉田東郊外十五里詳見祠祀志

日觀臺

一名司天臺在臺城內宮苑記臺城直鸞節
門西有日觀臺祥符圖經云宋司天臺也

烽火臺

在城西石頭城外古詩註石頭城山最高處吳
時舉烽火於此自建康至西陵五千七百里有

警急半
日而達

南唐月臺

胡宿高齋記闕子城東北起鍾山為便南唐
李氏因城作臺望月人呼為月臺下臨濬濠

北面覆舟南對長干西望冶城立齋其上高俾
麗譙廣容燕息採謝宣城宴坐之意題曰高齋

景陽臺

見景陽
樓下

拜郊臺

見郊
廟類

獨足臺

在古宮城今不詳其所覽古詩註云陳將亡有一鳥獨足上宮城臺上以背畫地書云獨足上

高臺茂草化為灰欲知我家處朱門傍水間及國亡後遂遷洛陽果賜第於洛水傍

通天臺

有二宋書孝武大明七年鍾山通天臺新成飛倒闕

百步舊臺城內

古玄風觀

案寶錄晉中宗元帝建武元年初置宗廟郭者

風觀相望而廟東抵秦淮

迎風觀

徵道觀宮苑記闕宮西有迎風觀闕縣闕里闕子城上宋孝武大明中起又有

徵道觀云

玄武觀

在玄武湖關

景歷拜日適逢與駕幸玄武觀在

位皆往迎駕獨景歷不預勅令早拜其見重如此又闕

玄武館閣式即此觀

通天觀

舊志在華林園宋元嘉中與景陽樓並造金陵故事晉孝武帝講孝經於通天觀僕射謝安侍

座尚書陸納侍講黃門侍郎謝石吏部侍郎袁宏執經丹陽尹王綰讀句論者榮之則此觀晉所有也非剏於

宋舊志殆

未考耳

臨滄觀

李白勞勞亭詩序古送別之所一名臨滄觀詩云金陵勞勞送別堂蔓草離離生道傍留別崔

四侍御詩云初發臨滄觀醉樓征虜亭又見前勞勞亭下

齊雲觀

在右臺城內陳後主令採木湘州擬造正寢至牛渚機盡沒既而漁人見抵於海上復起齊雲

觀國人歌曰齊雲

觀冠來無除畔

層城觀

亦名穿針樓舊在華林園景雲樓東宋元嘉中造輿地志云陳武帝七月七日使宮人集層城

觀穿針乞巧因號穿針樓

青雲觀

故事云梁武闕青雲觀其闕

古宣武場

在臺城闕

本宋文帝閱武帳上有一名宣武城

乾道志孝建元年孝武欲北討問沈慶之須兵幾何對曰八萬帝疑其多對曰攻城百倍乃可克城帝命慶之

築此城帝自率六軍攻圍之不能下闕文帝先立宣武場於此地之北至孝武復築之慶元志云宋文

建宇岡上施武帳故曰武帳堂岡曰武帳岡今幕府山北有古教場闕即此地又實錄晉大興三年創北湖

閩

山之水東自覆舟山

西至宣武塲唐人据後之地

南唐舊子城內有玉燭殿基

五代史清泰元年吳徐知誥治私第金陵乙未遷居

私第虛府舍以待吳王甲申金陵大火乙酉又火知誥疑有變勒兵自衛己丑復入府舍天福二年知誥建太廟社稷牙城曰宮城廳堂曰殿及建號即金陵府為宮唯加鵠尾闌檻終不改作昇元三年御興祥殿復李姓為考妣發喪四年以西都崇英殿為延英殿凝華內殿前為昇元殿後為雍和殿興祥殿為昭德殿積慶殿為穆清殿時以建康為西都廣陵東都也又有萬壽殿清輝殿有澄心堂百尺樓綺霞閣德昌宮係內府庫藏叔貯之所規制甚盛唐亡宋以為昇州江寧府治慶歷八年正月江寧火知府李宥懼有變闔門不救延燒幾盡惟存一便殿乃舊玉燭殿也高宗南渡後以府治為行宮所修改見前至元十五年拆其材瓦赴北以地屬財

賦提舉司民佃為圃其宮殿府寺臺榭
遺址猶存闕門今為軍總鋪警火之所

古華林園

在臺城內本吳舊宮苑也世說晉簡文帝在
華林園謂左右曰會心處不必在遠儵然林

水便有濠濮間趣覺鳥獸禽魚自來相親建康宮闕薄
云宋元嘉中築蔬圃二十二年更修廣之築天泉池造
景陽樓大壯觀花光殿設射棚又立鳳光殿醴泉堂花
萼池一柱臺層城觀興化殿孝武又造靈曜前後殿芳
香堂曰觀臺梁武帝造重閣上名重雲殿下名光嚴殿
陳永初中造聽訟殿又有臨政殿陳亡悉廢宮苑記云
園內有池名天泉池內有豐泉亭池南起雲堂芳香堂
琴堂芙蓉堂之屬又按晉孝武間北山閣與張美人遊

亦在
此園

古樂遊苑

按寰宇記其地在覆舟山南輿地志云在晉
為樂園義熙中盧循反劉裕築樂園壘以拒

循卽此處宋元嘉中以其地為北苑更造樓觀於覆舟山後改曰樂遊苑十一年三月禊飲於樂遊苑會者賦詩顏延之為序孝武大明中造正陽林光殿於內侯景之亂焚燬畧盡

古上林苑

宮苑記云雞籠山東歸善寺後實錄宋大明三年初築上林苑于玄武湖北宮苑記云孝

武立名西苑梁改名上林其地有古池俗呼為飲馬塘亦曰飲馬池其西又有望宮臺

古博望苑

在城東七里齊文惠太子所立輔公祐城是也沈約郊居賦云睇東嶽以流目心悽愴而

不怡昔鮪皇之舊苑實博望之餘基謝玄暉詩魚戲新荷動鳥散餘花落卽此

古婁湖苑

齊武帝永明元年望氣者言婁湖有天子氣帝乃築青溪舊宮作婁湖苑以厭之陳朝更

加宏壯後其地為光宅寺

青林苑

官苑記在薊門亭北路西枕後湖

靈丘苑

官苑記齊武帝立在新林界梁天監中以其地為法王寺

方山苑

官苑記在方山側齊武帝於方山盛起臺觀謂五兵尚書齊孝嗣曰立離宮於此故勝新林對

曰繞黃山款牛首漢之盛事然江南久曠人亦勞煩帝乃罷之又輿地志云湖熟西北有方山頂四方上有池水齊武帝於此築苑焉

古江潭苑

其地在新林路西去城二十里梁大同初立輿地志武帝從新亭鑿渠通新林浦又為池

開大道立殿宇亦名王遊苑未成而侯景亂

別苑

一名西苑晉安帝元興三年春桓玄築別苑於冶城輿地志其城本吳冶鑄之處王導疾作因徙治

出石頭城西以地名為西園故晉書成帝幸司徒府游觀西園即此處太元十五年武帝為江陵沙門法新於中立寺以治城為名至是桓玄盡移僧出居太后寺以寺為苑在舊江寧縣城西

古芳林苑

寰宇記一名桃花園本齊高帝舊宅在古湘宮寺前巷近清溪中橋帝即位修舊宅為清

溪宮一名芳林園後改為芳林苑永明五年楔飲於芳林王融曲水詩序云載懷平浦乃睠芳林謂此梁天監初賜南平元襄王為第益加穿築蕭範為記言藩邸之盛莫過於此

古芳樂苑

齊東昏侯即臺城闕武堂為芳樂苑山石皆塗以彩色跨池水立紫閣諸樓觀又於苑中

立店肆以潘妃為市令又作土山開渠立埭下苑中時百姓歌云闕武堂種楊柳至尊居內潘妃沽酒梁天監六年改德陽堂宋陳克閑武堂詩序云建康子城北斷塹遺堞彷彿可見父老以為齊東昏侯闕武堂也

古建興苑

梁天監四年立建興苑於林陵里侯景之亂裴之高迎致抑仲禮韋粲等俱會青塘立營

提建興苑其地在府

治西南秦淮南岸

古玄圃

齊文惠太子性頗奢麗宮內多雕飾綺綺過於王宮開拓玄圃與臺城北塹等其樓觀塔宇多

聚奇石妙極山水慮上望見乃旁列脩竹內施高障造游牆數百間

古南苑

在瓦棺寺東北宋明帝末年張永乞借南苑帝云且給三百年期滿更請後帝葬于此梁改名

建興苑在秣陵建興里裴之高營于南苑即此地

古桂林苑

陶季直京都記曰建康縣北漢朝為桂林苑南朝宮苑記曰桂林苑在落星山之陽吳都

賦云數軍實于桂林之苑即此屬上元縣慈仁鄉

南唐北苑

徐鉉湯悅徐錯有北苑侍宴賦詠序云望蔣嶠之巖壑奎祝為聖壽泛潮溝之清淺流作恩

波其地
在城北

金波園

南唐烈祖藝方士潘辰園中未詳其處

烏衣園

在城南二里烏衣巷之東王謝故居一堂扁曰來燕歲久傾地馬先祖撤而新之堂後植桂亭

曰綠玉香中梅花彌望堂曰百花頭上其餘亭館曰更展曰穎立曰長春曰望岑曰挹華曰更好左右前後位置森列佳花美木

芳蔭蔽虧今廢

古東園

在城東東治亭側面東有堂曰鍾山以其盡得鍾山之勝名之近東有兩亭相對南曰見墩取

其見謝安舊墩之意北曰草移取北山移文之意乾道五年與東治亭並創

沈約郊園

在鍾山下約憩郊園和約法師詩云郭外三十畝欲以質朝饘繁蔬既綺布密果亦星懸

謝眺有和沈

祭酒行園詩

半山園

今報寧寺是其地王荆公營居半山園有詩示蔡天啓備述其事所謂今年鍾山南隨分作園

園者是也又次吳氏女子詩自註南朝九日臺在孫陵曲街傍去吾園數百尺

繡春園

舊社擅東端平三年高定子記云昔得繡春堂於酒名竭來將漕訪其堂遺址亦無知者吾欲

堂之司存造船塲有餘地地隣亦願益以廢園乃庚之匪事遊觀興廢之意也

舊行宮養種園

在東門外一里而近有堂亭及臺馬先祖脩正堂曰熙春梅堂曰玉雪四面堂

曰面面雲山杏堂曰清華牡丹亭曰懷洛百花亭曰芳潤本養種行宮花木今並廢

東籬門園

在東府籬門內與西州分界處後即烏榜村南史何點與謝瀹張融孔德璋為莫逆友點

門世信佛從弟遁以東籬門園居之德璋為築室焉豫章王綏命駕造門點從後門逃去竟陵王子良聞之曰豫章王尚望塵不及吾當望岫息心後點在法輪寺子良就見之點角巾登席子良欣悅無已遺點嵇叔夜酒杯徐景山酒鎗園有卞忠貞冢點植花冢側每飲必舉酒酌之今祠堂疑是其所若東籬門在古肇建市東車馬通衢非隱士所居之地矣以郭文舉臺類推之可見

柳元景菜園

宋書元景不營產業泰淮南有數十畝菜園守園人賣菜得錢三萬送還宅元景怒

曰我立此園種菜以供家中啖爾乃復賣以取錢奪百姓利邪以錢給守園人

烏榜村

慶元志按國經初立西州城未有籬門立烏榜與建康分界後名其地為烏榜村在天慶觀西

南史陳顯達傳顯達於西州前與臺城軍戰敗走西州後烏榜村騎官趙潭注稍刺落馬斬之薤側血湧蒲籬

受禪壇

石頭城高壑地舊志以為宋高祖受禪紫燎告天之所

方盟壇

陳宣帝太建十年立壇婁湖側臨壇誓衆分遣大使以盟誓頒四方上下相警以備周人

宋太廟基

乾道志在嘉瑞坊東逼秦淮西近御街本後吳崇孝寺景德中改為景德寺紹興七年以

其地建太廟張俊以石礎未具高宗曰遠取勞民可就近山伐石為之何用鏤刻是年廟成後經兵火基存近

城隍廟

謝公墅

慶元志在上元縣崇禮鄉土山唐溫庭筠謝公墅歌云朱雀航南繞香陌謝郎東墅連春碧

謝玄別墅

晉太元八年苻堅衆百萬入寇玄為前鋒將軍問計於叔父安安怡然無懼色答曰已別

有旨既而宸然命駕出土山墅宴親朋畢集方留玄園
基睹別墅安基常劣於玄玄是日有懼心便不勝安顧
外甥羊曇曰以墅乞汝安游陟至夜乃還明日指授將
帥各當其任墅今俗謂檀城是也自興業寺過清溪東
二里亦云
即土山墅

王騫墅

南史騫列黃門郎司徒右長史有舊墅在鍾山
八十餘頃與諸宅及故舊共佃之常謂人曰我

不如鄭公業有田四百頃而食常不周以此為愧武帝
於鍾山西造大愛敬寺騫墅在寺側者即王導賜田也
帝遣主書宣旨取之騫答云此田不賣若勅取
所不敢言帝怒遂付市評田價以直逼還之

六朝宮城

見前
圖考

吳時自宮門南出夾苑路至朱雀門七

八里府寺相屬吳都賦列寺七里廨署綦布見諸志者

曰三臺五省

故事三臺在臺城東南一里宮苑記蘭臺在杜姥宅東南端門街東逼東陽門橫街

謁者臺御史臺並在其內故事五省在三臺路北苑城記三臺五省悉列種槐木

鴻臚宗正太僕太府四寺太弩太史二署衛尉府脂澤

庫右尚方

實錄儀賢堂初號中堂在都城宣陽門內路西七間亦名聽訟堂在鴻臚寺西南衛尉府

南宗正寺太僕寺太弩署脂澤庫更南即太史署太府寺東南角逼路宣陽門內過東即客省右尚方並在今縣城東一里二百步玄風觀後隔路儀賢堂更近北也按縣城即江寧縣舊治儀賢堂事迹見前

東宮官署東府西州解

見前城下

太子坊

齊劉悛遷太子中庶子武帝在東宮每幸悛坊開言至夕賜屏風帷帳梁蕭子範直坊賦序曰

余以天監六年為洗馬十七年復直中舍之坊按西晉宮闕名曰洛陽宮有顯昌桂芳椒芳等坊王隱晉書有東宮坊王珉荅徐邈書曰見傳咸彈孫詹事或云是宮或云坊或云寺此東宮中別有坊又中庶子稱坊詹事稱寺寺同於九卿耳坊是通名如天朝之臺也

晉太學國學

晉元帝太興三年立太學置博士皇太子釋奠成帝咸康四年立太學淮水南按寶

錄在唐縣城東南七里丹楊城東南至今猶名故學成帝穆帝孝武帝皆親釋奠穆帝而後常以儀賢堂權立行太學就堂行禮太學生國子生各六十人國子生見祭酒博士單衣角巾執經一卷代手板太元九年從謝石請興復國學明年選公卿二千石子弟增廣廟屋一百五十五間按寶錄在太廟南唐江寧縣東南二里一百步古御街東東逼淮水時呼國子學西有夫子堂皇太子堂南有諸生省即博士省也又明晉明帝太學初

在水南外橋地對東府城南小航道在今縣城東七里
廢丹陽郡城東至德觀西既立國學併太學入焉大原
十一年封孔靖之奉聖亭侯奉宣尼祀其宣尼
廟在丹陽郡城前隅路東南疑即前太學處也

宋儒立文史四學

官苑記儒學在鍾山麓時呼北學今
草堂寺隆報寺是也立學在雞籠山

東接玄寺側文學史學並在耆閭寺側元嘉二十一年
立國學二十七年罷明帝大始六年置總明觀於冶城
設祭酒一人立儒文史四科各學士十人又名東觀齊
高帝建和四年立國學後廢武帝永明三年詔復立國
學而省總明觀置生二百二十八人東昏永元初下詔廢
學領國子助教曹思文及有司抗表奏請國子太學並
在梁武帝天監八年昭明太子釋奠宋雍熙中有文宣
王廟在城西北三里慶元景定二志皆以為治城故基
豈非宋齊梁陳舊學所在乎天聖中知
府張士遜奏徙浮橋東北則今學是也

吳扶南署

實錄吳赤烏七年扶南獻樂人置署以教樂圖經在江寧縣北二里

晉廩犧署

晉志在東府城後以養天地宗廟犧牲

宋錦署

福城寺東

宋錢署

五城村淮水北

宋平淮署

在五城村藏戈船樓艦之所如偃月形

刻漏署

故事銅蟠螭置在臺城宋平姚秦遷洛陽舊物蟠螭在焉

紙官署

在長樂橋側齊造銀光紙賜王僧虔處

乘黃署

輿地志在公車府西北五輅及諸廟車凡駕馬之所

止戈署

東官城後路北本梁尉官署造兵器處

治署

通典宋有東治南治齊因之梁陳有東西治故事南有六所府一司徒二揚州二鎮軍府一東西治

見前
亭下

前宋轉運司

乾道志紹興三年以建康府治建行宮改轉運司為府治轉運司移於子城之西八

年重建大門南向次中門廳二在大門內者為南廳在中門內者為北廳皆路西南向其屬廳皆路東西向由

北廳東北為衙北門南廳復建籌思堂乾道四年趙彥端建扶疎堂於籌思之東又有忠宣堂改攬揔堂為之

又有戲綵堂皆真公總秀所建韓元吉復建四老堂為之記歸附後為按察司廉訪司總管府財賦司公廨後

為潛邸今龍翔寺基是也

前宋總領所

韋道志總領衙在行宮西南都酒務北有光華堂碧鮮亭紹興十一年建紹定三年

戴摘記曰余以景蕭之南敞政足園矣聽事西偏舊有圓焉一水縈環古柳夾峙沿水為堤漏木護之水陰地

一區移分鍾堂於其上易名使華左竹亭曰碧鮮石梅曰春信堂後三亭曰種花以牡丹名金粟以挂名雲錦鄉以桃花名此水北佳趣也使華之南隔水亭曰芳洲映波柳風柳風而東飛梁通之曰玉水靜觀蔗境映波而西復跨飛梁極水亭曰水雲此水南佳趣也景定志云使華堂後建尋春橋看窓曰畫舫又仁本堂取治財以仁為本之義皆馬先祖所建歸附後河南王阿珠索為私第

都統制衙

紹興十二年建在行宮子城北

副都統制衙

在府城北門

馬帥衙

景定志侍衛馬軍司乾道七年建在府城正北隅來蘇坊西門大街今為西織染局

建康府貢院

景定志在青溪南秦淮北侍郎蔡寬夫宅舊址也今為東織染局

轉運司貢院

在府城之東南隅今屬馬驛

舊廣濟倉

有東西倉又有新倉西倉在大軍倉後崇道橋南東倉在武雄營側新倉在廣濟西倉北

宋乾道四年留守史正志以親軍寨及作院地增拓舊基西偏建為新昌轉運副使趙彥端為記歸附後嘗為

本路架閣庫

平止倉

在廣濟倉左嘉定中留守余懔建

轉運倉

淳熙六年置在上水門外淮水北為置監官一員

大軍倉

在下水門內北接廣濟置監官一員

平糴倉

隸轉運司嘉定八年真德秀創之民賴其惠雖歉歲市無貴糴不六七十年糴本化為烏有舊籍

無復存者嘉定十四年岳珂復置未久亦廢淳祐十二年舒滋復置咸淳元年七月馬先祖承奉省劄判云當使三來開閭昇人愛余余亦愛昇人公帑所儲毫分不敢妄費思欲為此邦建一久遠利益事無如平糴呈撥米價錢差人糴足十萬石併令創倉廩歲貯續踏遂到舊稻子倉基址鼎新創造屋四十六間廩一十二座以玉衡正泰階平陰陽和風雨時十二字為記專一糴頻上件米十萬石馬先祖第三記云平糴倉之設自咸淳乙丑七月至丙寅正月得米七萬碩又自二月至六月再得三萬石合為十萬碩余嘗記其略矣丁卯冬糴二萬戊辰春再糴三萬總而為十五萬如雞哺雛勺積倉累所以及此數者偶值歲稔司造實嘉相之然為是倉

深長之慮有二焉其一餘米不可久頓當以新易陳庶米色常新而民被實惠其二糴之價常損糴之價常多恐異時措置糴本之難有折閱合額之患於是先創助糴一庫為本百萬次息補糴又懼其所入之微也則再創西庫以佐之合兩庫為本二百萬然余志猶未愜也輒郡帑之有餘助兩庫之不足俾是倉是庫相為無窮則余雖去猶不去也

制置司倉

附本府廣濟倉內又有小倉三所曰東倉曰西倉曰中倉並在南門裏沙窩一帶

古苑倉

吳大帝赤烏三年使御史鄒儉鑿城西南自秦淮北抵倉城名運瀆咸和中修苑城惟倉不毀

故名太倉在西華門內道北宋宮城之西北

古太倉

晉咸和中蘇峻反王師連敗績時太倉惟有燒餘米數石以供御膳太倉在苑城內亦曰苑倉

古龍首倉

按隋食貨志京都龍首倉即石頭津倉也臺城內倉常平倉東宮倉所貯不過五十萬

古東倉

唐六典云東晉有東倉石頭倉

古石頭倉

在石頭城內吳置晉曰常平倉南朝因之唐武后徙縣倉以實石頭神龍二年移倉於冶城

轉般倉

轉般置倉昉於淳熙為屋不多歲久損敝景定壬戌制司及本府共創修三十座殿屋

制司倉

制司米舊附廣儲倉咸淳元年四月內即廣儲倉側隙地令蓋制司倉為廩四前後共三十一門

聖節從物庫

舊府治西廊

節儀庫

在玉麟堂東廊

椿積庫

凡四所一在府治一在府治之南劉珙建一在府治東陳俊卿建一在府治東南錢良臣建

都錢庫

在府食廳之北常平庫軍資庫節制庫修造庫節用庫經總制庫公使庫附馬

禮尚庫

在府治西廳馬光祖立家之巽為記

公使酒庫

在天津橋側馬光祖重建唐燦為記

醋庫

三所一在舊米市一在安樂廬側一在饗子巷

雜物庫

在軍器庫側

鞍轡庫

在節儀庫側

淮士典庫

在大木頭街

古石頭庫

吳郡賦云戎車盈於石頭註云石頭城中置府庫貯軍儲故曰盈於石頭

此以上庫隸建康府

制司庫

在府治都錢庫內

都受給庫

在軍器庫側

軍器庫

在經武橋東寶祐五年馬先祖修舊增新申嚴約束

回易庫

在斗門橋西

抵當兩庫

一在御街錦繡坊之南一在寬征坊

惠軍典庫

在十三大街

以上庫隸沿江制置司

軍須庫

係安撫司庫
在軍資庫側

大軍庫

在總領
所東

都錢庫

在大軍
庫西廊

激犒庫

在大軍
庫東廊

椿脩庫

在都錢
庫側

抵當兩庫

一在舊米市
一在雞行街

公使庫

在總領所
西廳西

見錢庫

在飲虹橋下
保寧坊西

以上庫隸淮西總領所

錢物庫

在轉運司東
與花園相對

雜物庫

在大廳
西廊

公使庫

在雜物
庫側

典庫

在轉運
司衙東

以上庫隸江東轉運司

鳳臺酒庫

在天津
橋南

鎮淮酒庫

在御街建
業坊相對

嘉會酒庫

在大水頭街

豐裕酒庫

在南門外西街

龍灣酒庫

在龍灣寺

防江酒庫

在北門外

東酒庫

在上元縣西

北酒庫

在太平橋南

以上庫隸戶部提領酒庫所

砲藥庫

在青溪上馬光祖建

助糴東庫

在御街金泉坊南

助糴西庫

在太平橋南

權貨務

在總領衙西

雜買務

在總領衙東南

市易務

在新橋南

平準務

在御街東

秤斗務

在壽寧寺西

都稅務

在寬征坊蘆河下

夏稅物帛場

在府治設廳側

受給修造場

在頌春亭側

雜賣場

二所一在東南佳麗樓東隸制置司一在東南佳麗樓西隸總領所

都船場

在龍灣

柴場

三所一在城隍廟側一在龍光門外一在朝宗坊西

茭草場

在東門外轉般倉側

竹木場

在府社壇東

王沙稅務

在靖安鎮

抽分場

在靖安鎮

安撫司惠民局

在府治西

總領所惠民局

在正廳東廊

都統司惠民局

在都統衙內橋東亭

行宮雪窖

在城東門外

安撫司雪窖

在城北門外

防江軍雪窖

在雞籠山側

都統司雪窖

在城北門外

左司理院右司理院

見前府治圖考

直司

在府治都僉院門裏

總廂

在府門外西南

兵馬司

在勅營內

土牢

在馬軍營內

上元縣獄

在縣治西偏

江寧縣獄

在縣治西偏

齊六疾館

齊文惠太子與竟陵王子良立六疾館以收養窮民

梁孤獨園

梁武帝普通二年於建康置孤獨園以養窮民

養濟院

見府治圖考

實濟院

隸轉運司

安樂廬

二所一在北門高陽樓側一在御街西醋庫後

慈幼庄

在阜橋隸江東轉運司

及幼局

咸淳元年馬先祖創凡街市遺棄小兒悉皆收養仍委官提督

至大金陵新志卷十二上

欽定四庫全書

至大金陵新志卷十二下

元 張鉉 撰

古蹟志

第宅

張昭宅 淮水南對瓦棺寺張侯橋所因宅而
名舟陽記大長干寺西有張子布宅

是儀宅 在西明門臺城
之西最北門也

駱監軍宅 上元縣東二十五里崇禮鄉土山
之下父老傳云吳監軍駱統宅也

諸葛恪宅

唐舊縣東二里古玄風觀前橫路南南接青溪其東即江令宅也

陸機宅

在秦淮側又金陵故事臨秦淮有二陸讀書堂其跡猶在

王導宅

烏衣巷中南臨驃騎航

謝安宅

在烏衣巷口驃騎航之側乃秦淮南岸謝萬居之北

謝尚宅

舊江寧縣東南一里二百步永和四年捨宅造寺名莊嚴今斗門橋北東岸是其處

謝萬宅

長樂橋東傍丹陽郡城今桐樹灣東

紀瞻宅

在烏衣巷

郝鑒宅

在青溪上

吳隱之宅

在城東南五里

杜姥宅

舊江寧縣東北三里輿地志云宅在端門外直蘭臺路東晉成帝恭皇后杜氏母裴氏即杜弘

治之妻名穆孝武帝封為廣德縣君初穆渡江宅於南掖門外時已青考故時為杜姥

宋檀道濟宅

在青溪

何尚之宅

南潤寺側今城南落馬澗也

沈慶之宅

在城東南十里慶之本居古清明門外有宅四所屋宇甚麗一夕徙居婁湖園中

謝義卿宅

府城東南十八里古白楊巷之石井

建平王劉宏第

雞籠山

絕宅地

舊志云江寧縣南三里古太社西有玄地三畝昔周顒司馬秀蘇峻表真皆宅于此悉以禍敗

宋王僧綽曰大丈夫當以正道自居何宅之有玄吉尋為元凶所害

齊武帝舊宅

在青溪城東一里臨秦淮是其地

蕭子良宅

鍾山西

蕭坦之宅

在東府城東今府城東二里傍秦淮

劉子珪宅

城東二十五里青龍山之前

宋王僧虔宅

在馬糞巷見巷內

梁武帝宅

府城東南七里光宅寺基是

沈約宅

鍾山之下
名東田

朱异宅

在府城東北异及諸子自廟溝列宅至青溪有臺池玩好暇日與賓客遊其地

范雲宅

府城東南七里何遜有經范將軍三橋故宅詩

宋到溉宅

第臨淮水

伏曼容宅

府治西南三里

伏挺宅

府城北潮溝上

陳韋載宅

在江乘縣之北山葦室屏絕人事不入籬門者幾十載事見陳史

江總宅

青溪大橋北與孫瑒宅對夾青溪慶元志在上元縣東百餘步也

孫場宅

青溪大橋東其
西即江總宅

唐顧況宅

皇甫湜顧況集序云況以文入仕佐著作為
衆所排起屋茅山飄然若將續古之仙以壽

終慶元志顧著作
山房在菖蒲潭

柳郎中故居

在茅山

宋子嵩宅

齊江宅在
國子監巷

南唐韓熙載宅

宅在城南
戚家山

孫晟宅

鳳臺山西岡墉之曲韓熙載見門巷卑陋謂
曰秋隘若此豈稱為相第邪明年果拜相

徐鉉宅

攝山栖霞寺西
今曰陶庄是也

晉許長史宅

在句容雷平山西
北南有井後為觀

宋王荆公宅

半山
寺是

蔡寬夫宅

宋貢院基是也南牕紀談云蔡寬夫侍郎治第於金陵青溪之南穴地為池數尺之下見

有瓦礫及朱髹七筋數千蔡驚異命工愈掘之又深尺餘有金鑊瓦錫之器甚多皆破碎交錯仆壓于下竈下葦灰猶存又窮其傍大抵皆人居也然後知其下前代為平地經六朝喪亂瓦礫糞壤積而至此高岸為谷深谷為陵豈不信哉

李琮宅

在江寧鎮橋西
今植槐尚存

湖陰先生居

楊德逢號湖陰先生丹陽陳輔每清明金陵上冢至蔣山過其居清談終日歲為常

後頻歲訪不遇題一絕於門云北山松粉未飄花白下
風輕麥脚斜身似舊時王謝燕一年一度到君家揚歸
見吟賞久之稱之於荆公公笑曰此
正戲君為尋常百姓爾揚亦大笑

狀元張孝祥宅

陵墓

古越王塚

在句容縣王名翳周安王時薨
墓句容大橫山下今不知其處

吳大帝陵

蔣山陽去城
一十五里

步夫人陵

吳志赤烏元年追拜夫人步氏為皇后後合
塋蔣陵今蔣廟西南有孫陵岡上有步夫人

塋墩側有夫人塚其地也

宣明太子墳

吳志太子登初塋句容後三年移塋鍾山西蔣陵

廢帝陵

晉戴顯迎塋丹陽之賴鄉

晉元帝陵晉明帝陵晉成帝陵晉哀帝陵

實錄元帝永昌元年塋建

平陵明帝太寧三年塋武平陵成帝咸康八年塋興平陵哀帝興寧三年塋安平陵四陵並在雞籠山陽皆不起墳

晉康帝陵晉簡文帝陵晉孝武帝陵晉安帝陵晉恭帝陵

實錄康帝建元三年塋崇平陵簡文帝咸安二年塋高平陵孝武帝太元二十一年塋隆平陵安帝義熙十四年崩明年塋休平陵恭帝元熙二年塋冲平陵五陵並在鍾山

晉穆帝陵

幕府山前近西里俗相傳穆天子墳即其地也

宋武帝陵

實錄宋高祖永初三年葬蔣山初寧陵周三十五步高丈四尺宋政和間有人於蔣廟側

得一石柱題云初寧陵西北隅

少帝陵

在南郊壇

文帝陵

元嘉三十年葬長寧陵上元縣東北二十五里周三十五步高丈八尺與武帝陵相近

袁后陵

即文帝后合葬長寧陵

孝武帝陵

在丹陽秣陵縣巖山名景寧陵今上元縣南四十里巖山陽

前後廢帝陵

皆在丹陽秣陵縣南郊壇西宋太宗踐祥運前廢帝何皇后合葬龍山北

明帝陵

懷府山陽西與王尊墳相近山前有墳
壠晉穆帝陵在山南或以西為明帝墓

孝武路太后葵脩寧陵

在孝武
陵東南

殷淑妃墓

在龍
山

明宣沈太后陵

在幕府山寶林寺西南有墳
壠相傳為國婆墳疑即沈后

齊文惠太子陵

墓夾
石

豫章王窋墓

在金
牛山

明敬劉皇后陵

淳化鎮之北
去城三十里

竟陵王子良墓

金牛
山南

梁蕭墓塋

上元縣東三十五里或云蕭梁帝陵未詳

昭明太子陵

城東北四十五里賈山前即夾石與齊文惠太子同處排陵並塋名安寧陵

文宣院太后陵

在江寧縣通望山

孝元帝陵

陳天嘉元年詔梁孝元遭罹多難靈輿播越朕昔經北面有異常倫遣使迎接已次近路

江寧既是舊塋宜即安卜車旗禮章悉用梁典依魏塋漢獻帝故事

陳高祖陵

上元縣東崇禮鄉地名陵里有曰天子陵有麒麟二里俗相傳即陳高祖墓也去城二十

五里名萬安陵

文帝陵

上元縣東北陵山之南今鴈門山北名永寧陵

張麗華墓

在賞心亭天井中間有光氣如匹練拘之如水銀流散蓋地中有所藏爾

左伯桃墓羊角哀墓

並在漂水州南四十五里儀鳳鄉孔鎮南大驛路西

西漢甄邯墓

在後湖側南史宋張永嘗問玄武湖遇古塚塚上得一銅斗有柄文帝以訪朝士著

作即何承天曰此亡新歲斗王莽時三公亡皆賜之一在塚外一在塚內時三台居江左者惟甄邯為大司徒必邯之墓又啓塚內更得一斗復有一石銘云大司徒甄邯墓按斗為天之喉舌斟酌元氣運平四時故貴器取象焉今世發古塚間有此斗豈莽之前已有是制歟

後漢史君崇墓

漂陽州北三十里有碑

漂陽侯陶謙墓

在漂陽州

吳張悌墓

見本傳

甘寧墓

在直瀆山下

丞相葛玄墓

在溧陽州南五十里惠德鄉銀方山下

葛玄墓

吳太極左僊翁葛玄墓在句容縣西南一里郡國志句曲有葛玄塚

諸葛恪墓

舊府志及句容縣志皆言在句容石埭今考恪墓實在城西南

荊將軍墓

在溧水州南四十五里田羊左墓互見

晉山簡墓

在樂遊苑內

溫嶠墓

初裴豫章朝廷追思之乃為造大墓還塋元明陵北幕府山陽

郭璞墓

玄武湖中有大墩里俗相傳曰郭璞墓

卞壺墓

在冶城

王導墓

見前宋明帝陵

謝安墓

城南九里梅嶺岡

王濛墓

高亭湖側

王祥墓

城西南八十里化成寺北有斷碑戚氏註云近姑熟

衛玠墓

新亭東去城二十里

許穆墓

句容縣西一里晉護軍長史

顏含墓

右光祿大夫西平靖侯
顏府君塋靖安道傍

竺瑤墓

張陣湖墓前有二
碑晉寧朔將軍

史萬壽墓

潯陽州東北三十五里為
晉安南將軍南蔡州刺史

史爽墓

潯陽州東北
十五里

馬訓墓

潯陽州東北三十
里晉南海太守

呂游墓

潯陽州東北五十里有碑
晉安西將軍南蔡州刺史

史光墓

潯陽州東
南四十里

史憲墓

潯陽州東
北五十里

史雅墓

溧陽州東六十里

史輝墓

溧陽州東六十里

呂貲墓

溧陽州東北五十里

周琛墓

溧陽州西南三十里遂安太守

紀瞻墓

句容縣東南二十五里

宋謝濤并妻王氏墓

在上元縣土山大明七年夫人琅琊王氏合附于土山里謝濤之墓

有碑濤散騎常侍夫人之祖曰獻之父曰靜之

劉穆之墓

元嘉二十五年車駕幸江寧經穆之墓詔致祭

古翰墓

見山川志

冥漢君墓

彭城王義原脩東府城得古塚改塋東岡使法曹參軍謝惠連為文祭之不知其名字遠

並故假為之號

徐漂女墓

宋初女道士墓茅山下

宗慤墓

本傳在秣陵縣都鄉石泉里宋散騎常侍左衛將軍太子中庶子荊州大中正

宗慤母鄭夫人墓

在秣陵縣都鄉

謝靈運墓

上元縣本業寺相近南唐保大中里人孫憲等嘗建碑

齊明僧紹墓

見栖霞寺

巴東公墓

在栖霞寺側有碑額云齊故侍中尚書令丞相巴東獻公之墓

抑世隆墓

在倪塘世隆晚數術於倪塘創墓與賓客踐履每往常坐一處及卒墓正其坐處

海陵王墓

在金陵謝眺撰墓誌未詳其所

王孝恭墓

溧陽州東南二十里齊散騎常侍

梁庾沙彌母劉氏墓

沙彌晉司空冰六世孫父佩玉仕宋位長沙內史坐沈攸之事誅時

沙彌始生及年五歲所生母為製米衣輒流涕曰家門禍酷用是何為不肯服及長終身布衣蔬食為中軍田曹行參軍嫡母劉氏寢疾晨昏侍側衣不解帶或應針灸輒以身先試及母亡水漿不入口累日初進大麥薄飲經十旬方為薄粥終喪不食鹽鮓冬日不衣綿績夏日不解衰經不出廬戶晝夜號慟隣人不忍聞所坐薦

淚沾為爛墓在新林忽生旅松百許根枝葉茂鬱有異
常松劉好啖甘蔗沙彌遂不食焉宗人都官尚書詠表
言其狀膺純孝之舉梁武帝召見嘉之補歛令還除輕
車邵陵王參軍事隨府會稽復丁所生憂喪還都濟湖
江中流遇風航將覆沙彌抱柩號哭俄
而風靜咸以為孝感所致後卒於長城令

始興忠武王墓

王名憺墓在上元縣清風鄉黃城村
去城三十里有石麒麟四及神道碑

臨川靖惠王墓

王名宏墓在上元北城鄉
去城三十里有石柱碑二

安成康王墓

王名秀字彥達墓在清風鄉甘家巷去城
三十八里有石麒麟二石柱一神道碑二

劉顯墓

墓林陵縣劉真長舊塋傳學多通為時推重
位至尚書左丞國子博士平西府諮議參軍

吳平忠侯墓

梁吳平忠侯蕭景字子照墓在清風鄉花林
村北去城三十五里有石麒麟二石柱一

建安侯墓 建安侯蕭正立諡曰敬墓在上元淳化鎮西去城三十五里有石柱二

南康簡王續墓 在句容縣西北二十五里

范府君墓 梁陽州東北五十里梁招遠將軍臨川王國侍郎

史府君墓 梁陽州東北五十里梁散騎常侍兖州刺史

王僧辯墓 在方山東南

裴邃墓 子之禮美客儀能言玄理梁黃門侍郎壯勇將軍北徐州刺史還有廟在光宅寺西堂宇弘敞

松栢臂茂范雲廟在三橋遶蒿不剪武帝南郊道經二廟顧而嘆曰范為已死裴為更生大同初都下旱蝗四

離門外栢栢凋盡唯遠
裴大牙不入當時異之

司馬子產墓

司馬鬻梁正負郎丁父子產艱哀毀甚廬于墓側日進薄麥粥一升墓在上元縣新

林連接山阜舊多猛獸鬻結廬數載豺狼絕跡常有兩鵠栖宿廬所馴狎異常承聖中除太子庶子

陳周弘正墓

句容縣東三十五里

唐顏尚書墓

源陽州東北蘇鄉後顏村

許司徒墓

句容縣東白土奉聖寺側

史仲謨墓

源陽州東北三十里西山之前

史務滋墓

源陽州東北三十五里

劉府君墓

源水州北三十五里

王師乾墓

句容縣東三十里嘗為廬循道三州刺史

葛府君墓

句容縣西七里
有碑及石門

雙女墳

雙女墳記有難林人崔致遠者唐乾符中補漂水尉嘗懇招賢館前有塚號曰雙女墳詢其事

迹莫有知者因為詩弔之夜感二女至稱謝曰兒本宣城郡開化縣馬陽鄉張氏二女少親筆硯長負才情不

意父母匹于藍窗小濫以此憤恚而終天寶六年同塋於此宴語至曉而別墳在漂水州南一百一十里廢招

賢館
側

南唐慶王墓

名弘茂有碑元宗第二子幼穎異不喜戎事每與賓客朝士燕遊惟以詩賦為樂年

十九卒退封慶王有異僧言人壽夭禍福多驗元宗使視之書九十一字以獻

李順公墓

名金全在上元縣金陵鄉七里鋪去城十二里

張懿公墓

名居詠在上元縣金陵鄉石頭城後去城一十里碑題云大唐順天翼運功臣特進贈守

太子太傅上柱國清河郡開國公張懿公神道

高越墓

栖霞寺舊門外北山之麓去城四十五里

韓熙載墓

在梅賾岡

楊忠襄公墓

名邦乂墓在南門外即其死所

宋元懿太子攢宮

在鐵塔正覺寺法堂西偏小室中

王舒王墓

名安石在半山寺後

王安國安禮安上三墓

並墓建康

翰林給事張唐公墓

上元縣長寧鄉

資政管元善墓

句容縣下蜀鎮柔信鄉之原

狀元葉惇禮墓

名祖洽墓在上元縣宣義鄉鴈門

太師秦檜墓

牛首山去城十八里

大資秦梓墓

溧陽州南屏風山

少保戚定王德墓

上元縣鍾山之原

忠壯李節使墓

名邈墓在溧陽州西北青龍山之南

四廂王節使墓

名瑋隴西成紀人官至四廂都指揮節度使塋上元縣鍾山鄉棠梨山

贈節度使盛新墓

亳州人墓在上元縣宣義鄉武岡山官濠州團練使追贈昭慶軍節度使

待制錢端修墓

源陽州南上壩村

錢時敏墓

源陽州南五里

龍學錢元英墓

源陽州燕山之原

錢周材墓

源陽州南燕山

于湖張狀元墓

在上元縣清果寺側

防禦使張保墓

江寧縣鳳臺鄉松林庄之原保字和叔循王俊之母弟也

節使趙彥墓

上元縣金陵鄉
初家山之原

趙總管士吁墓

句容縣政仁
鄉慈恩寺側

中書崔敦詩墓

溧陽州
南泉山

戶部李朝正墓

溧陽州北
下湯之原

侍郎董平墓

溧陽州北
前馬里

侍郎李處全墓

溧陽州西
南大石山

參政魏良臣墓

在溧水州西
南九十里

宗丞王朝端墓

在溧水州東南
陳市橋五里

俞尚書墓

名康墓在漂水州西塚山一十五里

余資政墓

未詳其名遷葬漂水州東南二十五里

徐敏子墓

葬蔣山俗稱徐墳

劉虎墓

廬州梁縣人累功至觀察使合肥郡開國侯卒于金陵墓上元鍾山鄉陸家廟東馮去非作誌

王鑑墓

太尉寧武軍節度使墓上元崇禮鄉竹山

揚宗閔墓

上元鍾山鄉宗閔字景齊代州崞縣人太傅和義郡王存中之父也屢立戰功建炎元年

金人犯永興城陷死之贈太師魏國公謚忠介存中招魂葬

李琮墓

墓江寧縣板橋西龍口山

李回墓

江寧鎮西官山

闕耕墓

江寧鎮西王家莊

秦鉅秦浚墓

並在江寧縣處真鄉移忠寺側

戚方墓

高宗時武將塋城南高座寺後

尹起莘墓

江寧新亭鄉印塘村

府城外有四門掩骼冢義阡

宋紹興元年知府葉夢得奉詔度城四隅高原隙地

各為穴二其土封皆高一丈西門清涼寺之南茶山北門張王廟之西北麟蛇山南門官道之西越臺下東門官道之北齊安寺西四門凡八冢於華藏能仁保寧清涼壽寧五寺度僧守冢間慶中馬光祖再為郡守增土

加築垣牆東阡於半山寺南於宋興寺西於清闕北於永慶遜僧掌守其東阡去半山稍遠別創守庵又得清涼寺西北三十餘畝增廣西阡依山為垣凡六百丈為庵一為門四今廢

府城外南北義阡

宋嘉定八年轉運副使真德秀因民間死亡無力買地以墓遂於南北兩

門外空閒荒地置兩阡南義阡造庵屋三間於殊勝寺差僧行看守早晚焚修北義阡近後湖真武廟道士看管地以一丈為界墜穴必深五尺地滿之日支錢焚化





覆舟山下義冢

宋端平三年制置使陳韡調兵江北為戰死者立義冢覆舟山龍光寺側度僧

守冢以鍾山鄉戶絕田百五十八畝供忌日及每月衛日修薦忌日用戰死日

漂水州漏澤園

南門外葺勝寺前東門外居養院東紹興中置



应用名为再次扫描仪的平均光源
目可以从扫描记录得到大量的信息。
再次扫描仪是作为一种扫描式浓度计
来使用的，并能给出很多仅凭肉眼观
察时可能会被漏掉的情况，特别是当
再次扫描仪与彩色的图象显示装置联
用时更是这样。**a**）用扫描仪在患者
头部右侧扫描所得出的彩色脑的再次
扫描图。图右下部的高放射性是正常的
的，因为它来自面部结构，头后部的
一个卵形放射性区域肯定不正常，在
这种情况下，它是由小脑的恶性肿瘤
产生的。**b**）从前面进行的黑白里扫描
的彩色再次扫描图。这里里组织由
于恶性肿瘤的侵袭而布满了麻点，结
果几乎没有正常的里组织留下来，使
用的核素是胶体金 **198**。**c**）从前面进
行的黑白里扫描的彩色再次扫描图，
核素是胶体金 **198**，在患者的左侧核
素被脾吸收而形成个弱放射性区
域，这个扫描不会有明显的畸变迹
象。**d**）从前面进行的黑白里扫描的
彩色再次扫描图。示踪剂是胶体金
198，虽然里的外缘并非异常，但在
里的主要部分和患者的左叶里之间可
能有一个弱放射性带。**e**）人的骨盆
的彩色再次扫描图，左上方是耻的下
缘，用的核素是胶体金 **198**，它沉积
在骨髓的一些细胞中，这里示出的扫
描图基本上是正常的。



剪蒿萊一徑開橫阜送青高崒崒龍溪分水曲紆迴予
胥無復思丘壠唯有雲仍拜掃來又有甘府君墓在橫
山南鄉甘泉里西今呼甘墓岡近有鋤地者得一石上
云梁州刺史甘府君墓不知其名鄉之甘氏遂藏之以
傳家其東又有甘
府塘甘府橋云

碑碣

此下據舊志輯以備考自歸附
後碑刻散見各卷餘俟續集

秦始皇東游頌德碑胡亥東行詔書碑其摹刻自臺治
徙置集慶儒學文曰皇帝臨位作制明法臣下修飭二
十有六年初并天下罔不賓服親巡遠黎登茲泰山周
覽東極從臣思迹本源事業祇誦功德治道運行諸產

得宜皆有法式大義著明臨于後嗣順承勿革皇帝躬
聽既平天下不解於治夙興夜寐建設長利專隆教誨
訓經宣達遠近畢理咸承聖志貴賤分明男女體順慎
遵職事昭隔內外靡不清淨施於昆嗣化及無窮遵奉遺
詔永承重戒皇帝曰金石刻盡始皇帝所為也今襲號
而金石刻辭不稱始皇帝其於久遠如後嗣為之者不
稱成功丞相臣斯臣去疾御史大夫臣德昧死言臣請
具刻詔書金石刻因明白矣臣昧死請制曰可久遠下

闕一字成功下闕六字

劉跋泰山篆譜序曰史記載秦始皇及二世皆行幸郡縣立石

刻辭今世傳泰山篆字可讀者惟有二世詔五十許字而始皇刻辭皆謂已亡宋丞相呂公鎮東平日遣工就泰山撫得墨本別刻新石止有三十八字集古錄亦言江隣幾親到碑下纔得此數十字而已余以大觀二年春登太山宿絕頂徘徊碑下其石埋植土中高不過四五尺形制似方而非方四面廣狹皆不等因其自然不加磨礪所謂五十許字者在南面稍平處人常所樵擲故士大夫多得見之其三面猶殘闕蔽閭人不措意余刮磨垢蝕撫以紙墨漸若可辨政和五年秋復宿嶽上親以氈推從事按他本為完蓋四面周圍悉有刻字總二十二行行十二字字從西南起以北東南為次西面六行北面三行東面六行南面七行其末有制曰可三字復轉在南面稜上每行字數同而每面行數各不同如此廣狹不等居然可見其十二行是始皇辭其十行

是二世辭以史記證之又意皆具計其闕處字數同於是太山之篆遂成完篇乃為此譜大凡篆字二百二十有二其可讀者百四十有六今亦作篆字書之其毀缺漫滅不可見者七十有六以史記文定之親輒遠觀史作親巡遠方物民石刻史作刻石著作休嗣作世聽作聖陞作垂體作禮昆作俊則又史家之誤皆當以碑為正其曰御史大夫者大夫也莊子曰旦而屢之大夫衛宏曰古文一字兩名因就注之史記於琅邪臺刻石脩列從臣名氏余家所收琅邪殘字亦有五夫字然則夫從一大因不復重出與碑徙置詳見後釋山碑續刻

西漢東平趙王廟記

唐林雲撰

吳後主紀功三段石碑

實錄吳天冊元年吳郡臨平湖忽開通或云當太平青蓋入洛

主以問奉禁都尉陳訓訓曰臣能望氣不能達湖之開塞又於湖邊得石函函中有小石青白色長四寸廣二

寸許刻上作皇帝字於是改元天璽立石刻於巖山紀吳功德崇吳錄其文東觀令華覈作其字大篆未知誰書或傳是皇象恐非在今縣南四十里龍山下其石折為三段時人呼為段石岡也黃伯思東觀餘論曰皇象書人間殊少惟建業有吳時天發神識碑若篆若隸字勢雄偉相傳乃象書也今江寧縣有段石岡蓋舊立碑處括丹陽記晉宋時已折為三段內一石上有轉運副使胡宗師刻字言此石在府南天禧寺門外半埋于土因輦置轉運司後園壽思亭時宋元祐六年也石歷八百十有五年矣蓋又不知何年自巖山徙至城南也轉運司在府治此石在絢書閣前後又徙錦繡堂前碑闕中歸附後改臺治此石歌仆於地其一一段缺壞蓋嘗為人鑿以他用而不果也其第二段處有襄陽米芾四字亦為人磨礪幾盡至治八年臺掾楊益得之臺廨草間與教授湯彌昌訓導李東臧光言於中丞石公珪治書郭公思貞募民舁置廟學門內之左臧光續志云後主

事無足稱而此碑遺法書者所尚晉宋以來書日加工而古法日遠此碑未嘗見稱於時其年月雖在授官碑後書品過之遠矣象書獨步漢末況體本篆籀此誠宜居周鼓秦刻之次魏鍾繇諸碑無論也其石四方而背開書各八行兩傍細書二行其文書滿三方而虛其一辭雖不可讀其可識者百八十餘字首曰上天帝言次曰天發神讖曰闕識廣多曰將軍裨將軍闕內侯曰詔遣中書郎曰章咸李楷賀某吳寵建業丞許某等十二人曰永歸大吳上天宣命曰文字炳服曰在諸石上未後別書曰蘭臺東觀令曰巧工九江曰吳郡曰東海夏侯蓋列與事之臣于正文之後華嚴為東觀令是必華嚴也碑詞雖不可讀大抵猶秦金石刻制爾又慶元志云梅堯臣詩丫頭雖斷石又字未全訛年筭赤烏逮書疑皇象多石在金陵斷石岡上有大帝字去城二十五里今考此文初無大帝字宋自揚備至魯樞等題詠皆謂吳紀功德意當大帝時其實非也

溧陽長潘元卓校官碑石本云溧陽長潘君諱乾字元卓陳國長平人蓋楚大傅潘崇之末緒也君稟資南

闕一

字

之

闕四

德之絕操髣髴

闕一

敏

闕一

學典謨祖講詩

易剖演奧藝外覽百家衆

闕一

契聖抱不測之謀秉高

世之介屈私起公即仕佐上郡位既重孔武赴著疾惡

義形從風征暴執訊獲首除曲阿尉奮姦剗猾寇息善

歡履孤竹之康蹈公儀之潔察廉除茲初厲清肅賦仁

義之風

闕三

之跡垂化放乎岐周流愛雙乎

闕二

親賢

寶智進直退

闕一字

布政優優令儀令色獄無吁嗟之寃

野無叩匄之結於孤願老表孝貞節重義輕利制戶六

百省無正繇不責自卑百姓心歡官不失實於是遠人

聆聲景附樂受一廛既來安之

闕一字

役三年惟泮宮之

教反

闕一字

俗之禮構修學宮宗懿招德既安以寧千侯

用張邁豆用陳發彼有的雅容

闕一字

閑鍾磬縣矣于胥

樂焉乃作叙曰翼翼聖慈惠我黎蒸貽我潘君平茲源

陽彬文起武扶弱抑彊

闕一字

刈馘雄流惡顯忠咨疑元

老師賢作朋脩學童冠琢質繡章實天生德有漢將興

尚旦在昔我君存今

闕一字

此龜父遂尹三梁永世支百

民人所彰子子孫孫俾爾熾昌丞沛國銍趙勲字蔓伯

左尉河內汲董並字公房右尉豫章南昌程陽字孝遂

時將作吏名從掾位侯祖戶曹掾楊淮主紀史吳超議

曹掾李就門下史吳訓議曹掾拒檣門下史吳翔戶曹

史賀

闕一字

門下史時球光和四年十月己丑朔二十一

日己酉造案宋紹興十一年漂水喻仲遠得於固城湖

濱置之官舍今在孔廟之大門右

至順癸酉教授濟陰卑禧識云長樂陳長

方雖嘗碑其所得本未釋文則未之見碑以靈帝光和四年歲在辛酉造距今凡一千一百五十一年番陽洪景伯先生出字為之釋謂掣為契犂為犁卑為俾擬為野賁為責划去其刀賢去其貝干侯與紆侯通尚旦謂太公周公可謂精審有據其餘不可辨者尚有二十七字今觀首行自三百字以下止斯字凡十有六字比之洪氏作釋文時又皆不可考且如第二行之字之下是禱字禱下闕一字有天字敏之上是克字衆之下是僞字退之下是應字秋之上為復反之下為失此之上為即皆隱隱可見洪則悉以為闕又如既安且寧則以為呂寧梅膾則以為桓膾豈當時誤於墨本而然耶溧陽志謂元卓為元貞是又以名乾而傳會也事又見撫遺

吳大帝封禪碑

太極左僊翁葛公碑

陶隱居又南唐重建在句容縣其碑有二文字湮滅

晉元帝廟碑

宋葉適撰

禮樂羣英三十六像

晉賢臣三十六人詳見元帝廟畫刻題識在廟今亡

太傅謝文靖公白碑

以安功德難為稱述故立白碑在安墓所

都督謝公廟碑

蓋謝玄廟碑唐咸通中建今亡

卞將軍石柱

今在墓北

忠臣孝子碑

舊在忠貞亭南唐徐指為識蓋掘地得斷碑也葉清臣改忠貞亭亦名忠孝有記

卞公忠烈廟碑

宋胡銓撰

忠貞公祠堂碑

宋曾肇建

晉紀穆侯碑

紀瞻見列傳碑在句容縣治字已漫滅止有題額二十四字曰晉故僕射散騎常侍

驃騎大將軍開府儀同三司紀穆侯之銘碑面宋邑令真元弼刻字曰自東晉建令元豐癸亥僅千餘年石斷為二什於道傍字皆漫滅惟題額存今徙置縣宇東軒屋壁間又邑令張侃刻字曰復百三十四年寶慶丙戌此碑復在後園榛棘中因買石作趺置易升堂左縣志又載其陰刻瞻子四人名字官爵八十餘言後又有胡克光刻字不詳何人字亦漫滅彷彿見桑置荒棘字晉碑僅存世所當寶也

竺使君墓誌

舊志石在靖安鎮天王院

史司空碑

漢司空驃騎將軍涿陽侯史公神道碑晉永和八年立唐貞觀十四年十八代孫仲護題

云隋末大亂避地
闕題碑再立云

維摩居士像碑

晉顧長康所畫重
刻在今戒壇寺

王羲之書蘭亭記

留守晁謙之以家藏本刻
置紉書間三段石後壁間

王羲之樂毅論

石軍書歐陽
公所收本

冠軍將軍史爽石柱

刻云晉故冠軍將軍中校尉北中
郎將五兵尚書從吳歸晉本國大

中正零陵郡開國公青州刺史
史爽墓據縣志唐又有碑

呂尚書碑

晉故尚書起部郎廬陵太守
呂府君之神道碑見呂將軍墓

葛府君碑

鄭熊通志晉西平將軍葛府君碑在建康見
前墓類疑即葛仙公碑陰所言存其一者

盤白真人李僊公碑

興嚴寺塔記

宋文帝碑

見通志而云在潤州今案文帝陵在此云潤州者因唐人語也此必嘗有此碑矣

鄭夫人墓誌

宋愷母墓

謝常侍墓誌

見謝清墓或云出於土山淨明寺後疏圖中後徙在縣治今不聞

宋昭靈沈襄王廟記

陳堯咨作

齊海陵王墓誌

案東觀餘論此志在翰林沈括家慶曆中得之金陵後為人竊去遂亡所在今

世殊難得沈云謝朓撰并書墓誌但云朓立又載此文亦小誤如溫又者性石本乃著性嗣德方景石本乃方

審晚夜何長石本乃
曉夜當以石本為是

齊獻武公碑

舊志齊侍中尚書令巴東獻武公碑普通三年建在上元縣黃城村

梁鄱陽王墓誌

梁故侍中司徒鄱陽忠烈王墓誌銘見存清涼寺法堂下

草堂墓碣

梁故草堂法師之墓八字篆體在蔣山寺寶公塔前之左

梁開善寺法師碑

通志普通三年蕭挹書

梁忠武王碑

梁侍中司徒驃騎將軍始興忠武王碑徐勉造貝義淵書在上元縣黃城村

梁康王碑

梁散騎常侍司空安成康王碑劉孝綽文貝義淵書在上元縣清風鄉甘家巷內

梁昭王墓誌銘

梁永陽昭王墓誌銘徐勉造在上元縣清風鄉得之居民井側

梁敬妃墓誌

梁永陽敬太妃墓誌銘徐勉造
在上元縣清風鄉得之路傍

靖惠王碑

梁臨川靖惠王神道
碑在上元縣化城鄉

吳平侯碑

梁侍中吳平忠侯蕭公神
道碑在上元縣花林村

建安侯碑

梁建安敬侯神道
碑在淳化鎮西

梁都承旨題名

在上元縣
花林村

梁蕭帝寺記

在鹿
苑寺

許長史舊館壇碑

東觀餘論曰陶隱居書故自入流其
在華陽得楊許之真跡最多而學之

故蕭遠澹雅若其為人今金陵有許
長史舊館壇碑最先一行隱居書也

茅君九錫碑

張繹文孫文韜書碑陰列
隱居弟子名在黑虎洞前

朱陽館碑

梁元
帝文

長沙館碑曲林館碑

並隱
居文

隱居墓誌

一自撰一昭
明太子文

貞白先生碑燕洞宮碑

並仰陵王又貞白碑陰
唐司馬子微又并書

義和寺額

舊志昭明太子書句容志碑額類云
字入木八分泰申公取入秘書省矣

史府君碑刻

梁故假節散騎常侍兖州刺史建昌縣開
國侯史府君之神道碑文石柱刻字見墓

梁宣帝明帝二陵碑

太元真人司命茅君碑

華陽宮記

梁石闕銘

乾道志梁天監七年詔作神龍仁虎闕於端門大司馬門外梁宮苑記大司馬門外有神

武二闕端門外有蒼龍二闕又金陵故事四石闕並在臺城門前其跌高七尺身鉅高五丈廣三丈六尺厚七丈五尺及成朝士銘之時陸倕文甚佳士流推伏侯景之亂焚燒宗廟城郭府寺百無一存後高麗百濟等國入貢見凋殘哭闕下倕銘見前石闕

陳景陽宮井欄題刻

宋時在法寶寺前及行宮建移入學士院宮廢委在荒野至元三十

年治書李公處巽命教授朱天與徙郡內官舍故苑諸石剝聚路學止苦堂中石欄在焉今但存石一片爾乃

至大三年有官下學見此石攔曰亡國之物也命碎而沈之齊生王祐収得片石久之與劉弼弼復歸之于學其石甯青而理赤鍾山石多如此俗以臘脂井呼之故觀者多摩拭迹瑩然而窪非一日矣世傳後主與張孔二妃淚梁石為臘脂色者妄矣前志有景陽石井攔銘是隋開皇中分書或云煬帝所作又有銘是唐開元中江寧丞王震分書又一銘是唐太和中篆書歐陽公集古錄等書稱之詳見前志咸氏云所見摹本環井口十七八字已甚漫滅唯辱井在及太和四年六凡八字可辨蓋即太和篆銘所謂辱井在茲可不戒哉者別有宋蘇易簡石攔記亦不存矣今片石上有宋人從衛題字尤著者唐介梅摯皆前賢也其遺迹固可存况好事者聞而未見多來觀之將以興懷古而重監戒歟而棄之過矣

趙知府題棲霞寺山天巖詩

王給事棲霞寺詩

攝山棲霞寺詩碑

金陵攝山棲霞寺碑文并銘侍中尚書令宣惠將軍叅掌選事菩薩戒弟

子濟陽江總特撰翊前會稽王行叅軍京兆韋霽書唐韋應物詩若到棲霞寺先看江總碑康定元年僧契先重立云舊碑唐會昌中毀廢後嘗重立今復斷缺訛隱故重刻其文今据石本舊志並以為會稽王霽書者誤

隋平陳碑

見古迹輯虎壘通志亦載

隋朝律大師碑

白水橋碑

慶元志城東北十五里白水橋東路南田中有碑半折仆地字皆磨滅惟題可辨云康王

神道之碑餘不可考歷陽張祈字晉彥過其下有詩云出郭悠悠信馬蹄荒烟衰草不勝悲江南舊事無人記

時有龜趺載斷碑
詩刻在半山寺

唐顏氏大宗碑

舊志晉右光祿大夫西平靖侯顏府君碑晉侍中右光祿大夫本州大中正西

平靖侯顏公大宗碑兩碑舊在上元金陵鄉乾道中已移入府學其碑座尚存故地猶名顏碑衝即苴家園去

城十里魯公書餘見墓類並燬

唐明徵君碑

高宗御製行左金吾衛長史侍相王書高正臣書守太子洗馬王知敬篆額在上元

棲霞寺碑高一丈米芾詩手摩一丈玉藟盡上元記

唐重建開善寺記

在嵒山寺

神雪宮銅鐘文

華陽頌碑

舊志陶隱居文
天寶九年立

紫陽觀王先生碑

崇禧觀碑

左拾遺孫
處玄文

靈寶院碑

王棲霞文
在茅山

華陽洞唐玄宗授上清錄碑

禁山碑

舊志在玉晨觀太和七年
立又有復禁山碑徐鉉文

句容縣令岑公德政碑

景龍二年行雍州錄事參軍張
景毓字燭微撰業行寺主釋翹

徵書事見治
行岑仲休傳

方山洞玄觀勅還鐘碑

又有洞玄觀請鐘記云

玉清觀四等碑

玉清觀四等碑開元十五年陶巨莊書石已損斷置玉清觀基上見戚氏志

下泊宮記

黃洞元撰盧士元書

貞白先生碑

邵陵王蕭綸撰

祠宇宮白鶴廟記

舊志祠宇宮白鶴廟記抑識文劉明素書

玄靜先生廣陵李君碑

見下註

茅山紫陽觀玄靜先生碑

其一唐玄靜先生碑李陽米篆額抑識文與福興寺碑侍

名二絕碑其一有唐茅山玄靜先生

廣陵李君碑顏真卿撰書在玉晨觀

玄靜先生勅書碑

三洞景昭大法師韋君碑

陸長源文
甯衆書篆

崇玄聖祖廟碑

寶歷崇玄聖祖廟碑李德裕建賈餘文
通志徐挺古分書又云徐吉班書并篆額

孔子尹真人贊皇公三碑

寶歷二年立

孝子張君紀孝行銘

句容張常消也其銘許昌主簿高
某文又有吳郡孝子張常消廬墓

記縣令李振文孝子旌表碑贊主簿
承回文皆載常消孝行詳見本縣志

茅山孫尊師詩碑

李德裕文

題陶隱居銘葛僊公碑

青玄觀九天使者功德殿記

保大十五年賈穆述王愛書

宣州溧陽縣永僊觀玄宗先生碑

盧大王廟記

闕

司空廟殿記

會昌六年
史氏撰

祭酒史公仲謨碑

賈魯文徐浩書李陽冰篆額餘見仲設墓溧陽志縣治南百許步士人家

嘗斷地得片石乃徐季海詩刻云祖德道場下往來三十秋白頭方問法朗月特相留大唐徐浩書縣有史秦

酒碑徐季海書

漫滅不可讀

瀨水貞義女碑

溧陽瀨水貞義女碑銘并序李
白文陽冰書宋淳化五年再刻

潘城寺碑

在漂水淨行院

禮部侍郎劉府君神道碑

裴度撰在本廟中後移置欽賢亭朱翌有讀碑詩

白府君銘

從姪居易撰

貞素先生碑

唐玄博大師貞素先生王君碑徐鉉文弟錯書在玉晨觀

紫陽觀碑

徐鉉文楊元鼎書并篆額在玉晨觀

許長史丹井銘

徐鉉文并篆額在五晨觀

五雲觀碑

晏殊撰

百福寺銅鐘碑

佛窟寺碑

孫忌撰

多心經碑

蔣莊武帝廟碑

徐鉉文
朱鉉碑

張長史十字文碑

漂水顏魯公叙

見漂水劉
府君廟

永僊觀宗先生碑

元在縣西北四十里餘見太虛觀碑
言宗法嗣字宣遠漂陽人魁岸峻拔

神仙中人也嘗於觀
內造玉清靈臺等云

李白鳳凰臺詩碑

句容修夫子廟碑

李太白讚寶公畫像

李伯時畫梁武命張僧繇為寶公寫真米芾書贊云

顏魯公詞記

米賢亭詩

融師塔記

重興隱靜院記

福興寺碑

按碑額稱潤州上元縣略云福興寺梁大同二年之依建也本於塘浦之東遷於銀湖之

北中更一徙傳記缺遺有禪師字道融本姓樓東陽義烏人也以上元二年建寺遂移舊額肇建新居於天竺

天竺在故寺東南七里名符佛國之山白蕩之山岌其
左蒼江之水漱其石斗牛之星炯其上盤龍之鎮挾其
傍望夫南上以啓行慈姥東向而奔走碑字多殘剥是
張從申書從中碑此凡三此碑尤覺超逸今茅山碑盛
傳而此碑知者尚鮮若王師乾闕舊志惟
載句容墓而不言有碑蓋知者尤鮮也

祈澤寺記

孟東野詩

觀薔薇花忽驚紅琉璃千艷萬艷開佛火不
燒物淨香空徘徊花下印又字林間詠觴孟

羣官餞宰官此地車馬
來剎在溧陽勝因寺

木業寺記

楊吳興化院鑄銅鐘文

在香
林寺

石鑄文

吳順義元年
鑄在靖安鎮

南唐五龍堂玄元像記

徐鉉又舊在
石頭城云

李順公碑

高越書在西門外
石子岡下名金全

張懿公碑

名居詠墓在
石頭城後

李後主祭悟空禪師文

在清涼寺

開善寺井記

在蔣山寺

南唐追封慶王碑

在城南婁湖橋麟熙載作
徐鉉篆額文則漫滅矣

井記

在街奉先禪院方丈井記
唐己巳冬記在保寧寺

符篆刻識

在永壽宮

沈傳師并徐鉉題名

在攝山千佛嶺

林下集序

通志鐘山總悟上人林下集序貞元二十年石洪文并書

德慶堂題榜

南唐後主書宋僧曇月刻石在清涼寺

高府君墓表

趙墓

晉謝臨川碑

見靈運墓

義井欄刻字

在石頭城後七里鋪

寶華宮碑

并陰南唐奉勅立行書入品但人名漫滅在方山崇真觀

企剛會序

咸通五年南陽樊文龜書在牛首山佛窟寺

王師乾碑

道志在江寧府今案句容有墓但訪未得餘見前福興寺碑

騎省石

徐鉉題字

受錄碑

其一玄宗御製在崇禧觀其一張景願文

桐栢王法師碑

朝散大夫行江寧令河內于敬之撰琅邪王玄宗書李義廉奉敕使還篆六字額

少室王君碑

李勣文

王真人立觀碑

江旻文

李德裕詩

贈茅山孫尊師詩裴質方書在玉晨觀

玉霄卷碑

見樓真觀

藏真碑

彭瀆文

邵威儀碑

徐錯文

崇儒碑

在潭水夫子廟開元十一年建今亡

楚平王廟碑

廣明元年建今亡

王法主碑

劉緯文又有徐先生碑三傳錄記馮寬文徐法師碑張惟素文擬扣陳先生碑石並殘缺

通志太平觀主王

達知碑徐碩隸書

仙壇銘

宣州涇水縣尋仙觀仙壇山道士宋文幹以大唐垂拱五年因山石自然形似立仙壇三所長

壽元年縣令王通字玄覽在任清勤戶口增益因開三鄉遂以仙壇名鄉奉仙醜里後六年大周聖歷二年縣令岑仲字林以德義當官仁威養俗因琢石為象刊石為銘云蘄州黃梅縣令張玄素書岑仲休蓋以字行也

晉史建安碑

晉故建安太守山陰縣侯史公神道碑景龍四年從孫宣義郎凝撰

城隍記

漂陽縣城隍記因築治城隍頌邑令之賢舊志以為廟記誤

禱雨記

史祖廟禱雨靈應記昇元三年尉遲勝奉命製吳仁贍書郭延沼立

雲泉院無礙田記

唐開成二年左衛騎曹參軍劉內章文宋大中祥符八年重刻

宋太宗戒石銘

其文曰爾俸爾祿民膏民脂下民易虐上天難欺全篇本蜀王孟昶所作太宗

取此四句令天下郡縣皆刻石寘正廳之前覆以小亭坐正廳則對之其字乃黃庭堅書

真宗書觀龍歌

茅山天聖觀

仁宗飛白書

嘉祐中書堯舜等大字賜守臣錢公輔傳堯俞二臣各刻之石經兵火埋沒乾道八

年留守洪遵得之華藏寺前土中與真經武堂

徽宗大觀聖作之碑

又賜辟雍手詔郡縣皆刻于學

高宗書孝經

賜秦檜真草相聞守臣晁謙之刻石郡學檜及謙之跋于下今存經火不全又有改

建康府詔舊刻在府治金華石上十二字見後又籍田詔郡縣皆刻之

高宗書王安石詩

刻在保寧寺

高宗書蘭亭脩禊序

劉岑刻

高宗書乾卦

并羣臣書諸卦繫辭
泰梓刻並在溧陽

孝宗書武經龜鑑序

賜御統制
郭振刻亡

理宗大字

明道書院額又忠勤樓錦綉堂賜吳淵忠寶
不欺之堂裕齊桂山賜馬光祖各刻之石

韓愈進學解臨王羲之二帖

孝宗御書錢周
材刻在溧陽

宋齊丘鳳凰臺詩

石刻在
臺上

太守題名碑

金陵建康圖

洪遵跋揚備覽古詩曰暇日料簡故府得
金陵圖六朝數百載間粲然在目又以今

日宮闕都邑江山為建康圖並刻石以獻上稱善有旨
令叅訂古今微識其下客有以前詩示遵亟鋟之木異

曰六飛移蹕學士大夫入承顧問是將
有取圖舊在玉麟堂今好事家有大本

建康府重建貢院記

宋乾道四年
陳天麟作

江東運使司試院記

宋嘉定九年
李道傳作

建康府新作貢院記

紹熙二年楊萬里咸淳
二年馮夢得皆嘗撰記

江寧府移建康府學記

張元
用作

重修府記

黃黼章
汝楫作

府學上舍登科題名記

府學贈送貢士規約碑

嘉熙元年姑熟陶職旸江孔聖
義叔立規約教授郡人吳歲記

建康府新建義莊記

淳祐十一年制置吳淵叔置教授宋自強記

江寧府學田產記

續置田產房廊碑

府學義莊田畝數碑

江寧縣學記

景定間知縣王鏜建學楊巽作記

上元縣學記

淳祐戊午通判梁椅作記辛酉歲建學周應合作

溧水縣學記

宋紹興八年鄭剛中作重修學記景定元年周應合作教思亭記咸淳二年趙昂發

作修學記

溧水縣小學記

宋咸淳二年知縣周成之復小學王遂為記

句容縣重修學記

唐開元十一年建學有碑宗皇祐二年葉

表重建

有記

溧陽縣重修學記三

唐縣令柳均興學有碑宋皇祐四年查宗閱移學城東南隅沈士龍

撰記汪藻撰挹秀堂記建炎末重建陳聞遠撰記

明道先生祠記三

朱熹游九言真德秀作記馬光祖跋

程純公畫像記

劉給事祠堂記

李處全作

范忠宣祠堂記

表變作

黃尚書生祠記

李旼作

忠襄楊公祠堂記

魏了翁作

留守大資政錢公生祠記

鄭若谷作

真西山祠堂記

王遂作

吳狀元生祠記

孫沂作

陳大使生祠記

王夢義作

南軒先生祠堂記

杜景作

吳大資祠堂記

曹庭褒作

吳相公生祠記

程公許作

野亭先生祠堂記

倪垕作

野亭先生祠瞻祠規式碑

馬觀文生祠記

趙與孫益大作

父老建馬觀文祠記

劉夢周作

青溪先賢堂記

周應合作

溧陽縣學四先生祠記

知縣王崇建

聖母惠澤龍王二祠記

在戒壇寺

忠節王公廟記

劉岑作

府治三聖廟記

宋嘉定十年郡人吳歲記

秣陵東嶽廟記

宋嘉定四年知縣徐龜年作

在城武烈帝廟記

南唐徐鉉有武烈帝廟碑

江瀆廟記

黃度作

鐵塔寺二判官廟記

越臺三聖廟記

惠澤王廟記

宋政和元年知府薛昂倚兩建廟刻石

顯忠廟記

洪邁作

廣惠廟事蹟記

沈巖作

闕

真聖廟記

馮去非作

闕

烈王行狀碑

武氏石室碑

宋趙明誠金石錄武氏石室畫像五卷武氏有數墓在今濟州任城墓前有石室四

壁刻古聖賢像小字八分書題姓名往往贊于其上文

詞古雅字畫遒勁可喜故盡錄之以資博覽今觀其文

詞如老萊子曰事親至孝衣服班連嬰兒之態令觀有
驩丁蘭曰二親終後立木為父鄰人假物報乃借與其

餘大抵多殘缺也。洪适隸釋武梁祠堂畫像自伏羲至于夏桀齊公至于秦王管仲至於李善老萊子母秋胡妻長婦見後母子義漿關公之類合七十六人其名氏唐滅與初無題識者又二十六人得之括蒼梁季珩始予間建康寓客募此碑嘗託連帥方務得訪之舊志留守方滋募刻于紬書閣今亡亦不見有摹本矣。

正顯廟記

潭水州城隍白季康廟也李朝正請廟額淳熙元年重脩王端朝作廟碑

褒忠廟記

葉夢得作

茅山玉晨觀陶隱居遺像

蓋唐顏魯公刻并有陶隱居帖

栖霞寺佛殿記

唐高宗睿建寺碑并書寺額寺有金銀銅像背記宣宗大中五年重建不知所

指何記也

攝山白雲庵記

宋侍讀張環嘗讀書王安禮為記

能仁寺記

游九言作

天慶觀碑

章公權作

吉祥寺記

寺舊在城隍廟東後以寺基為太廟徙置城南二里記乃徙寺時作也

永寧院記

劉岑作

戒壇寺記

韓元吉作

殊勝寺記

楊天麟作

明慶寺記

梁太子舍人陳昭作寺碑

保寧寺碑

定林寺記

朱舜庸作

聖湯延祥院記

蔣山妝繪大佛殿記

劉岑作

寶公行狀碑

天禧寺重修寶塔碑

李之儀撰
法堂記

三藏道公塔記

北山移文碑

高座寺銅鐘碑

劉岑作寺記

三茅真君像記

道光泉記

王安國作

八功德水記

梅摯作

雙女墳記

崔致遠作

左伯桃墓詩

唐顏真卿宋明宗愈蔣之奇周邦彥皆有詩案烈士傳云左伯桃羊角哀燕人也二

人為友聞楚王待士同入楚至梁山值雨雪糧少伯桃併糧與哀令往事楚自餓死空樹中哀至楚為上大夫乃告楚王備禮葬於今墓所一夕哀夢伯桃告之曰辛歲子墓我奈何鄰荆將軍墓每與吾戰為之困迫今年

九月十五日將大戰，勝負幸假我兵馬，叫號冢上以相助哀覺而悲之。如期而往，嘆曰：「今在冢上，安知我友之勝負？」乃開棺自刎死，就墓伯桃墓中。劉孝標《廣絕交》云：「續羊左之徽烈，謂此墓廟見前各類。」

蕭閒堂碑

周邦彥作

二李亭碑

朱虞作

揀竹亭記

俞氏十榜傳家記

俞東撰

通濟橋記

劉放李南壽作

中山館驛記

唐啓作

溧水州五堰河碑

乾道元年二月左朝散郎通判建康軍府事張維劄子竊謂堯之時洪水

泛濫而三江不入於海其勢必乘其虛處而橫流今之五堰河正其虛處也以去年之水高四尺而漫過分水堰則堯之水橫流而過此地當不止四尺竊意震澤所以不底定者蓋自於此耳以是觀之古來之開鑿此河而說為五堰者其慮遠矣夫堯之洪水後世決不復有也如去年之水間亦有之江之與浙均有雨水則固城湖鮮漲亦不能奔溢矣蓋蘇常水盛則外水自不能入如去年之水是也惟是蘇常無雨水而上江雨獨多當此之時大江汎濫壅遏湖流則其勢必奔五堰河而蘇常始受其害矣維竊籌度若開此河委非經久利便乞從朝廷詳酌施行

溧水州廣嚴寺記

組大武作畧云寶慶三年予以丞視勞徧歷鄉里初意賒屬金陵都會事

迹最繁宮刹神廟屋壁間必有碑碣可以考古按訪多
闕惟一遊觀中有武后時小碑及一二南唐時碑則亦
已再刊而非初蹟蓋三國六朝以來
多屢之故也武后時碑謂仙壇銘也

王介甫平甫此君亭竹詩

見前
亭類

荆公書陶隱居墓誌

黃太史跋曰熙寧中金陵丹陽之間有盜發墓得隱起塋於塚中識

者實得之讀其書蓋山中辛和陶隱居墓也其文雖磨滅猶可彷彿誦之因書藏天慶觀齋堂壁間黃冠遂以入石予常欲摹刻於焚道有李祥者欣然镌石來請斯文既高而王荆公書法似晉宋間草書此固多聞廣見之所欲得也慶元志
今刻石江東漕廨

半山絕句

今半山寺有荆公詩果甌泉白下
亭東我名公字補落迦山四絕句

張文潛書李太白鳳凰臺詩

馬光祖書跋倪
璽刊石臺上

蘇子瞻書漁家傲詞

送王勝之
在白鷺亭

金陵雜詠

黃履詩溧水尉周沔書刻江寧府治
近年廢言地上掘出其詩舊志不載

周美成會客題名

溧水丞高舉
刻于聽事

山谷四民帖

四民皆當世業士大夫家子弟能知忠信
孝友斯可矣然不可令讀書種子斷絕有

才氣者出便當名世矣慶元

中溧水丞戴援刻于丞廳

南維翁詩

劉率作不輕受詞不苟追人則田里安不輕
買物不吝酬直則市井喜期會信則豪強不

敢觀賞罰明則姦盜無所容有謫入久不見之客則間
娼侮之端有追至久不決之訟則生曖昧之謗母以暫

馬而不為久計母謂去矣而不計後來庶幾善最之成亦增吾邑之重瑞平丙午張祭權縣刻置于漚水陂治

東

關

母廟記

胡無脫
賈彬作

劉府君廟記

杜了
源撰

山谷城南帖

書韓又公符讀書
城南詩而題于後

鍾離翁詩

宋漚陽斗子生盜米估籍得草書題
云庚申歲書其名權花押如一劒狀

三米蘭亭帖

元章初刻淮山樓并友知尹
仁父子題于後留守吳琚刻

廣惠侯廟碑

王瑞朝作廟碑白樂天文集有侯墓誌銘
云公諱季康太原人嘗為漚水令子敏中

為相

鎮淮飲虹二橋記

梁椅作

白下橋記

劉叔向作

嘉泰重修二橋記

劉叔向作

乾道重修二橋記

丘崇作

明道先生格言碑

趙忠肅公秋風碣碑

馬觀文書

杜尚書學齋記

杜景作在舊府治

王潛齋六州歌頭

王堃作

馬裕齋書格言碑六

寬平篤厚愷覺詳綏喜聞過強為善願我壽命長廣行一切善

願我福德咸普濟一切人一日之事在寅一年之事在春一生之事在勤一家之事在身無益之言勿聽無益之事勿為無益之書勿觀無益之交勿親平福之基愈躁禍之隨謙恭德之吉驕傲身之賊和

高齋記

胡宿作

子隱堂記

梅摯作

涼館記

元時敏作

籌思堂記

邊惇德作

四老堂記

韓元吉作

思政堂記

章謙作

忠宣堂記

劉宰作

飛詠堂記

楊邁作

戲綵堂記

王楚作

達尊堂記

范光作

忠實不欺堂記

陸景思作

清如堂記

梁椅作

東冶亭記

梅學作

籌思亭詩碑

王安石范純仁王哲作

此君亭歌

毛漸作

賞心亭東坡長短句

丘密記

昭陽亭餞別留題

李永書

昭陽亭詩

張狀元作

二水亭記

史正志作

八功德水亭記

趙師晉作

新亭記

史正志作

蘭亭記

李洪識

雙玉亭記

劉宰作

翠微亭記

吳淵作

鳳凰臺記

馬裕齊作

賞心亭記

蕭山則作

川泳軒記

周必大作

存愛軒記

周師成作

敬齋銘

傅行簡作

使華園記

戴楠作

政足園記

戴楠作

繡春園碑

高定子識

府學御書閣記

游九言作

青溪閣記

張椿作

總所新建門樓記

馬光祖作

東南佳麗樓記

李衛作

葛僊公鍊丹井銘

景通作

濡惠泉記

王元忠作

舍利泉記

李處厚作

忠孝泉記

周虎作

道光泉記

義井記

李迪作

廣濟新倉記

趙彥瑞作

平止倉省劄指揮碑

平止倉須知碑

平糴倉省劄碑

丘室
立石

復置平糴倉省劄碑

舒滋
立石

平糴倉記

吳淵
作

泛恩指揮碑

趙善
湘立

觀兵營記

游九
言作

松江新建游擊軍記

胡居
仁作

宋興寺奉省劄養濟兩院碑

黃度
作

真運使申遺棄小兒省劄碑

余運使申置寶濟院省劄碑

奉旨建寶濟院記

馮去非作

建康府新安樂廬記

馮元演作

裴將軍帖

宗忠簡公帖

劉尚書墨帖

劉給事墨帖

張狀元墨帖

安撫司書帖古約

蘇東坡近移文

臨川王游碑

蔣山西庵墨帖

張丞相墨帖

蔣山丹霞訪龐居士

真運使版榜移文

張狀元請疏

張都督祭病親刻

程子遺書

馬光祖刻

黃尚書保民親刻

柳子厚送薛存義序

洛神賦

王獻之書

責沈碑

張賜記碑

韓元吉餞別留題

崇因寺范石湖碑

章尚書題范石湖碑

橫渠先生大字碑

濂溪先生大字碑

王尚書石頭城大字

清涼寺詠竹賦

登山銘無為贊

韓南澗茶簾亭詩

馬野亭吳瑭遊青溪浪淘沙詞

總得翁題斷碑詩

翁乃狀元張孝祥之父詩見前白水橋碑

魏督相題王文公詞詩

三品石

臺城千福院在縣東北六里本梁同泰寺後吳順義中置院前醜石四各高丈餘云陳朝三品

石宋宣和中取入汴京置延福宮荆公時石尚在此詩云草沒苔侵棄道周設恩三品竟何酬國亡今日頑無耻似謂當年不與謀陳克詩云臨春結綺今何在屹立嘒嘒終不改可憐江令有君恩白頭仍作北朝臣

到公石

慶元志云梁到溉第臨淮水齋前池有奇礪石長丈六尺武帝戲與睹之溉輸即迎置華林園

宴殿前迎石之日傾都
縱觀所謂到公石也

吳宮石

張非崖集吳宮闕四正題曰醉石曬藥石翫月
臺朝天宮詩云何人移置向何年牢落空教見

斷頑竹裡松間滋澹坊土昏苔染閭闔吟聊自得漸無鄉夢憶
歸山按慶元志
已不存此矣

金華石

梁金華宮遺石闕真桐廬方叔恭識云遺石在
府治致闕齋後覆以小亭舊矣今取家藏摹本

刻真上闕先春堂圖今存與余滿禮勸農石頭城示之以
詩同一石案圖石之高僅九寸引手可舉傳至宋亦幸矣

玉麟堂石刻

景定志金吳宮石上刻十二字曰虎踞龍
蟠得金陵之王氣揭書慶元志言此石元

在府治東一齋竹石間與金華宮石錯立比年相傳為
高宗御書寶玉麟堂東管疑高宗自南京登位至建康

即入行宮未嘗幸府治何緣書郡齋乎若使書於他處決無此名若當時守臣模刻宜置聽事宜委之林莽唐神龍初潤州畢刺史其名實同高宗廟諱嘗勒銘鍾山此恐亦畢書也當高宗始至建康駐蹕神霄宮即今保寧寺將以江寧府治為行宮改守臣萬華藏寺為治所闕成乃改建康府治當府治未建安知遊幸之必到其地邪且前後宸翰字體與黃庭堅相似慶元所疑皆非也今索其石仍存謂為金華闕石亦無明証姑存其此說於

謝太傅像

淳熙戊申古吳趙希堅題曰此惟揚郡齋本
斯春謝長卿家所藏比於行都見畫像相傳

是顏長康筆縑腐色剝幾不可觸而阿堵中賒焉按此本無鬚髮差今維揚舊石不存遂摹刻于半山今存本寺

秦繹山碑下續刻

宋教授朱天與識于繹山碑下曰金陵詩書禮樂之邦舊多名賢石刻藏

諸官解深扁中鐫人

關

兵後投注草莽與瓦礫

俱至關舍介關

具行臺治書侍御史東平李公

處巽關

臺賈公為政易水張公經謀關於此

一片中有秦泰山碑剝落不可讀當時所存僅

二十字絕不類斯筆李公得繹山善本二百二十有三

字互證篆楷真贋判然山谷城南帖亦脫滅六十有二

字儒學提舉卅楊李公浩捐已俸助工直更臨繹山古

篆訪山谷遺帖刻石以完合置郡學尊經閣下止善堂

之東西步榮時至元三十年也大德四年路學火將及

閣關亟命昇諸石刻出閣外昇未畢火勢不可近而

止既而關學皆燼閣乃獨存由是昇出者適皆焚在閣

下者皆得無恙物之存亡若有數也其存者繹山碑泰

山篆譜陳宮石井闌王介甫此君亭詩山谷城南帖米

元章詩惟高宗真草孝經止存四章其燬者不能盡錄

矣

至大金陵新志卷十二下